



*Prome minister Evelyn Wever-Croes:*

## "MEP ta cla pa eleccion"



Pagina 4

- **Awe parlamento ta vota pa presidente**

Pagina 2


- **Vivienda moderno pa adultonan mayor**

Pagina 4

- **Conflicto entre CCA y Gobierno pa pashentnan cu Gobierno kier trece back Aruba**

Pagina 3

Edmundo Gonzalez ta huy for di Venezuela y ta ricibi asilo na Spaña



Pagina 10

Hulanda: Premier Schoof ta bisa cu Gabinete no ta bay tende di lidernan di partido



Pagina 9

Dos miembro di NATO ta bisa cu drone Ruso a viola nan espacio aereo



Pagina 24



BUY 2 BINGO GAMES & GET THE 3RD ON US!

\$2,500 IN TOTAL PRIZES

PRE-BINGO AT 12PM • BUY-IN: \$2  
BINGO AT 1PM • BUY-IN: \$14

PROGRESSIVE JACKPOT  
STARTING AT \$15,000

THE CASINO AT  
**THE RITZ-CARLTON**  
ARUBA



*Awe parlamento ta vota pa presidente:*

## Tin duda si Vrolijk lo keda riba stoel di presidente

**Awe miembronan di Parlamento di Aruba ta vota pa presidente y vice presidente di parlamento pa e aña parlamentario 2024-2025. Manera ya caba Bon Dia Aruba a publica, algun parlamentario a anuncia cu nan no lo ta sosteniendo e presidente actual di parlamento, Edgard Vrolijk di fraccion MEP.**

Recientemente parlamentario y lider di fraccion ACCION21, Miguel Mansur, a publica un video ariba su pagin oficial di Facebook den cual e ta critica e e trabou cu e actual presidente di parlamento Vrolijk, a eherce durante e aña parlamentario cu a caba di pasa.

Den e video Mansur ta remarca cu e kier trece na atencion di pueblo e falta di respet di parlamentario Edgard Vrolijk y su fraccion MEP pa e organo mas halto di e sistema constitucional y democracia di pais Aruba.

E parlamentario a menciona cu seis carta a wordo manda pa su excelencia Gobernador di Aruba den cual miembronan di parlamento ta keha con e presidente actual di parlamento a viola structuralmente e reglement van orde y Constitucion di pais Aruba. Un di e cartanan, el a indica, su mes a manda pa tanto su excelencia gobernador di Aruba como tambe pa Eerste y Tweede Kamer documentando tur hechonan aki.

“E falta di respet cu un solo persona por muestra henter pueblo di Aruba door di mina confiansa den parlamento, operacion den parlamento, door di abusa su poder como presidente cu ta un puesto temporario cu e tin e honor di ocupa,” Mansur a subraya.

E lider di ACCION21 a pone atencion na dos carta, un cu a wordo firma dia 21 di maart pa parlamentario y lider di fraccion RAIZ Misha Raymond, cu ta



categorisa tur e abusanan di Sr. Vrolijk y den cual e ta bisa cu e no ta digno pa ta presidente di parlamento.

Otro carta cu el a destaca ta uno cu fecha di 21 di februari firma pa su persona, pa parlamentario Raymond y parlamentario di fraccion RAIZ, Raymond Kamperveen den cual nan ta bisa y pidi e presidente di parlamento pa atene su mes na e reglement van orde y constitucion despues di no haci esaki.

Parlamentario Mansur a sigui indica den su video cu Sr. Vrolijk su comportamiento no a caba. El a splica cu miembronan di parlamento a haya tres siman pa repasa e presupuesto 2025 di gobierno, pero pa e ley di matrimonio igualitario nan a duna seis luna pa repas'e. El a resalta cu nan (refiriendo na presidente di parlamento y su fraccion) no tabata kier pa e ley di matrimonio igualitario yega sala di parlamento pasobra e mester a bay comision.

Pero presupuesto di pais Aruba no ta bay ningun comision y segun Mansur

ta indica, e presidente di parlamento no kier pa parlamentarionan haci nan debido trabou di controla gobierno pasobra e no ta cumbini e partido di e presidente, esta MEP, y haciendo esaki e ta priorisa e interes di su partido, locual ta igual na pone interes personal prome cu interes nacional y esey no por wordo acepta.

“Esaki ta e momento di berdad pa Misha y Raymond Kamperveen muestra pueblo si nan ta para pa integridad of no. Mi ta conta riba Sra. Raymond y Sr. Kamperveen pa dialuna muestra cu boso tin integridad. Tur fraccion den parlamento, cu excepcion di MEP, a keha y categorisa Sr. Vrolijk su abuso di poder cu a kibra ley, cu a kibra reglement van orde, dus awo ta ora pa muestra cu boso ta para pa integridad y cu boso no ta acepta e fechorianan ‘ki,’ parlamentario Mansur a finalisa.

Otro parlamentario cu tambe ta critica fuerte- y abiertamente e comportacion di e presidente actual di parlamento, Edgard Vrolijk, ta parlamentario inde-

pendiente Gerlien Croes. E parlamentario independiente a indica, mediante un comunicado di prensa, cu Vrolijk “a coba su propio graf faltando respet pa e institucion di parlamento.”

Den e comunicado e Croes ta menciona cu den luna di mei di e aña aki el a bolbe denuncia e deficiencia den liderazgo di Parlamento di Aruba na man di presidente Edgard Vrolijk. El a indica cu no tabata trata solamente di loke publico por mira ora di reunion, pero tambe durante reunion di porta cera ora cu Vrolijk ta demostra cu e no tin etica ni respet pa sinta na cabes di e entidad mas halto di pais Aruba.

Pa loke ta trata votamento pa presidente y vice presidente di parlamento awe, el a remarca cu e ta considera cu loke ministernan di MEP a haci di hiba campaña ariba rednan social pa sostene Vrolijk, como un “ataque demostrativo contra e democracia di Aruba” door di publicamente demostra nan apoyo pa un candidato pa presidente di parlamento, locual e parlamentario independiente ta expresa, ta confirma cu e gobierno actual tin e poder ehecutivo y e legislativo secuestra

Papiando di su propio experiencia, Croes ta splica cu el a experimenta hopi falta di respet. “No ta desconoci cuanto biaha el a silencia miembronan. Na varios ocasion ta paga microfon ora cu mi ta hibando disertacion of tin punto di ordo. E ta manera cu nos a pasa pa un sistema autoritario y comunista pasobra ta un partido ta hiba gobernacion, pero tambe tin Parlamento di Aruba full bou su maneho,” el a remarca.

E parlamentario independiente a sigui splica cu pa tres aña largo tin un partido cu ta acepta e comportacion aki, referiendo na partido RAIZ. El a resalta cu for di contract di Eagle LNG te na matrimonio di mesun sexo, RAIZ tabatin caba mil motibo pa tuma un posicion pero nunca a haci esaki.

Mirando e informacion cu tabata circual riba otro medianan pa loke ta trata votamento di awe y si partido RAIZ ta bay sostene e actual presidente di parlamento of no, Bon Dia Aruba a ricibi confirmacion diabierna ultimo for di vocero di fraccion RAIZ, sr. Ragnall Bermudez, ken a indica cu Raiz no lo ta votando pa Sr. Edgard Vrolijk pa presidente di parlamento.

“Raiz a laga sa na MEP cu no lo sostene Edgard dialuna awo. Nan lo sostene cualkier otro miembro di fraccion MEP. Y awo nan ta bezig ta wak con lo sigui pa dilanti,” e vocero a indica.

Tin hopi expectativa alrededor di e votamento di awe y ken lo bira e siguiente presidente y vice presidente di parlamento, sobretodo den sentido di ki efecto e resultado di votamento lo tin riba coalicion.



## Ta haci yamado na comunidad pa yuda famia cu a perde nan cas na momento cu parti di e dak a bin abao



Recientemente un suceso lamentable a tuma luga na unda un famia perde nan vivienda pa motibo cu un parti di e dak di nan cas a cay den otro y a perde un gran cantidad di nan pertenencianan. Aworaki e famia ta haci un yamada na comunidad pa pone man na curason y yuda nan den nan momento di necesidad.

Na momento cu e famia a yega cas, nan bida a cam-



bia por completo ora cu nan a wak con un parti di e dak di nan hogar a cay den otro y asina a perde un gran parti di nan cosnan. Un caso lamentable y cu aworaki varios ciudadanonan riba rednan social ta haci yamada na henter pueblo di Aruba pa di un forma of otro yuda e famia den e momentonan dificil aki.

Comunidad por yuda den diferente forma, por entre otro haci donacion di material manera cement, bloki,



palo, plywood, sheetrock, clabo, santo, cualkier material cu por yuda cu reconstruccion di e cas.

Ademas di esaki, por yuda tambe cu articulonan di hogar manera television, aircó, muebles, stoof, frigidaire, cama, cashi di paña, cosnan di cushina manera tayo, beker, cuminda, entre otro.

E famia ta consisti di un mama y tres yiu muhe, edadnan 2, 3 y 9. Comunidad por haci donacion tambe di paña y sapato pa hende muhe adulto, mucha muhe (edadnan menciona) y cosnan pa baby tambe. Ayudo financiero tambe ta bon bini.

Polis y brandweer a presenta na e sitio. Bomberonan mesora a desconecta e boternan di gas pa evita cualkier otro accidente y a pidi pa ningun hende drenta e cas pa motibo cu nan no ta sigur di e estabilidad di e resto di e cas y no sa si e resto di e dak tambe lo cay den otro. Personal di Elmar tambe a presenta na e cas y a corta coriente.

## Conflicto entre Corporacion con Animo y Gobierno di Aruba pa pashentnan cu gobierno kier trece back Aruba

Recientemente varios medio di comunicacion local a publica informacion tocante un caso na unda Gobierno di Aruba a tuma decision di trece tur pashent Arubiano cu ta tabata ricibi tratamiento psiquiatrico na facilidad "Corporacion con Animo" na Colombia. E noticia aki no cay den bon tera pa e facilidad cu a entama un caso contra Gobierno di Aruba.

Segun e noticiero local, NoticiaCla a reporta, minister encarga cu Asuntonan Social, Rocco Tjon a indica na e noticiero cu a tuma e decision aki na bienestar di e pashentnan cu ta na Colombia.

"Na bienestar di nos clientenan, mi persona, a traves di conseho cu mi a ricibi di 'indicatiecommissie', e mesun commissie cu na prome instancia a conseha pa manda nos clientenan 'Corporacion

con Animo', a decidi di trece nan back y sigui duna e cuido na Aruba of Corsou," e mandatario a indica na e noticiero local.

Segun e mandatario a sigui splica, e comision cu a duna e conseho pa trece e pashentnan back ta consisti di profesionalnan di GGZ basico y GGZ specialisa y a indica cu cada cliente tin un plan di cuido traha.

Despues di e anuncio di Gobierno di Aruba pa trece e pashentnan back, 'Corporacion con Animo' a puntra corte pa un ordemaatregel, un medida disciplinario pa para cualkier accion di gobierno temporalmente. Minister Tjon a indica cu e medida aki a wordo rechasa pa hues y aworaki e partinan ta en espera di un fecha pa e caso wordo trata den corte.

Segun e noticiero local ta reporta e facilidad en cuestion a tuma e paso pa hiba Gobierno di Aruba corte pa asina evita cu e pashentnan cu ta ricibiendo tratamiento na un finca na Colombia mester regresa Aruba.



Segun informacion, 'Corporacion con Animo' a busca asistencia legal di e abogado local Doris Canwood.

Na 2018 minister di Turismo y Salud, Dangui Oduber, a anuncia cu gobierno a firma un convenio cu 'Corporacion

con Animo'. E tempo ey ora cu a firma e convenio minister Oduber a indica cu e intencion di e director di e facilidad ora el bishita Aruba tabata pa bin cu un centro na Aruba mes, intencion cu gobierno a ricibi cu man habri.





## Vivienda moderno pa adultonan mayor



**Vivienda adecuado y moderno ta fundeshi pa un tercer edad saludabel, feliz y social. Na Aruba tin un falta grandi pa vivienda asina pa adultonan mayor. Pa e motibo aki Gobierno di Aruba a acorda cu lo pone fondonan disponibel pa construccion di vivienda pa nos grandinan.**

“Nos ta bay stop di traha cas pa nos grandinan. Awo nos ta cuminsa traha hogar pa nan,” segun Minister di Asuntonan di Adulto Mayor, Ursell Arends. “Ora nos pensa riba vivienda nos mester pensa mas leu cu simplemente pone bloki riba otro. Esnan

cu yega na edadnan bunita merece di tin un hogar. Nos no por simplemente duna nan un cas y laga nan bay biba den isolacion. Un bida solitario y sin atencion adecuado no ta saludabel pa ningun hende. Esey no por ta un bida feliz,” Minister Arends ta expresa. Den bista di minister, e aspecto social mester ta parti integral ora ta papia di vivienda moderno.

Gobierno di Aruba lo pone alrededor di 20 miyon florin disponibel pa FCCA den forma di un prestamo. Meta di esaki ta pa nan por traha mas vivendanan social. Di parti di su ministerio, Minister Ar-

ends a pone como punto di salida cu por lo menos 25% di esaki mester ta dirigi na construccion di vivienda pa esnan di edad avansa. Esaki ta un forma concreto pa realisa parti di un vision mas amplio.

“Vivienda ta un fundeshi. Pero e ta alabes un instrumento cu nos por uza pa bringa isolacion bou nos grandinan. Vivienda moderno ta haci un ambiente social posibel,” segun Minister Arends a splica. Minister ta referi aki na e ‘Deltaplan’ cual ta e plan integral di e ministerio pa adultonan mayor. Den e plan aki ta pone enfasis riba e pensamiento di ‘sociale benadering’, basa riba e pensamiento cu salud mental ta mes valioso cu salud fisico. A haci hopi avance riba e parti curativo, pero awo mester mas atencion pa e parti preventivo.

Minister Arends a expresa su aprecio na FCCA cu ta comparti importancia pa traha casnan special pa adultonan mayor. “FCCA ta un partner importante pa nos. Semper nan a muestra di ta disponibel pa yuda nos riba tereno di adultonan mayor,”

minister a bisa. Durante un recorrido hunto cu FCCA di diferente casnan di adulto mayor e minister a confirma cu FCCA ta e trend-setter na Aruba riba e tereno aki y nan proyectonan ta muestra otro inversionistanan cu proyectonan asina tambe ta factibel.

“Mi kier pa banconan comercial tambe tuma nota, cu aki ta unda falta hopi inversion. Nan tambe tin un rol social y lo ta bon pa nan cuminsa pensa con nan por contribui na un forma mas amplio na tipo di proyectonan asina. Trahandu hunto nos por logra mas,” minister a enfatisa.

Asunto di vivienda tabata un topico principal den e Foro Nacional pa Adultonan Mayor na october 2023. Aki tabata tin un presentacion amplio di Sr. Gijsbert van Herk, kende ta lidera Staedion cu ta opera mas di 40 mil cas na Den Haag y vecindario. Den esaki nan a specialisa riba tereno di cas pa adultonan mayor. Segun Minister Arends, cu guia di Staedion nos no mester inventa e wiel, pero nos lo por scoge esun cu ta pas miho pa nos.

Den e vision di Minister Arends, a reparti asunto di vivienda pa Adulto Mayor den 5 grupo di atencion.

Tin un grupo cu kier keda den nan propio hogar, pa esey ta trahando diferente forma pa reforsa y asisti e cuidador-nan (mantelzorg).

Tin un grupo den casnan di cuido y pa esaki tin diferente proyectonan andando pa reforsa e servicio y garantisa calidad.

Tin esnan cu kier desaroya proyectonan comercial, y aki e tarea di ministerio ta pa stimula y facilita proyectonan asina.

Pa e grupo cu mester di asistencia na nivel di verpleeghuizen ta preparando un plan integral pa amplia e cantidad.

Y pa tur adulto mayor lo tin facilidad tambe di dagverblijf, cual ta e proyecto di Pasadia cu ta creciendo tur dia.

“E necesidad ta grandi y mi ta desea di por a haci hopi mas y mas lihe. Pero realidad ta cu prome cu nos por cosecha, nos mester cuminsa na planta simia, despues stimula crecimiento pa finalmente disfruta di e fruta di e labor,” Minister Arends a remarca.

*Prome minister Evelyn Wever-Croes:*

### “MEP ta cla pa eleccion”

**Ayera nochi, pa alrededor di 9pm, Prome Minister Evelyn Wever-Croes a haci un transmision en bibo for di sede di MEP. Rondona pa casi henter e seno di partido, Wever-Croes a dirigi su mes na pueblo di Aruba, memey di e conflicto entre e dos partido di coalicion relaciona cu e voto pa presidente di Parlamento awe dialuna.**

Mientras cu e no a comenta tocante e situacion den coalicion, bisando cu lo duna mas declaracion tocante esaki “despues di papia cu nos partner den coalicion,” si el a bisa cu ta reitera e compromiso “di nos cada un” na partido MEP. El a bisa cu MEP

ta “un partido prestigioso, un partido cu a demostra cu por goberna e pais aki den bon tempo, den mal tempo y den hopi mal tempo tambe.”

Loke mas a hala atencion di e declaracion di prome minister tabata e momento unda el a bisa: “Un partido cu ta preparando pa algun luna caba pa eleccion cu ta bin nos dilanti.”

El a finalisa e video cortico bisando “Partido Movimiento Electoral di Pueblo ta cla pa eleccion.”

**Ursell Arends: “Nos a pidi MEP pa nomina ken cu ta di MEP, cu no ta Edgard Vrolijk”**

Algun minuut despues, vice-prome minister y lider di partido Raiz, Ursell Arends a tene su propio conferencia di prensa na sede di partido Raiz hunto cu e miembronan di su partido.

“E motibo pakico nos ta akinan awe ta pa motibo di leadership style y tambe imparcialidad di voorzitter di Parlamento,” Arends a cuminsa bisando, agregando cu “mas cu mita di Parlamentario a expresa esaki y anos no ta bay den discusion di esaki. P’esey mes nos a acerca nos partner den coalicion y bisa nan cu nos ta kere cu ta momento pa nan draag voor un otro candidato, y Raiz - nos parlamentarionan lo sostene esaki.”

Comentando cu como partido ta “tuma nos responsabilidad na serio,” Arends a bisa cu ta trahando pa bienestar di Aruba y “mi ta kere ta importante tambe pa bisa cu na ningun momento Raiz kier kibra e acuerdo di gobernacion.”



El a bisa cu segun acuerdo di gobernacion, MEP tin e presidencia, pero pa motibo di estilo di liderazgo y imparcialidad a pidi e partner den coalicion pa presenta otro nomber pa e parlamentarionan di Raiz por sostene e nominado, reiterando cu no lo sostene Edgard Vrolijk.

“Mi ta sigur cu ni MEP, ni Raiz, ni pueblo di Aruba kier un eleccion na e momento aki,” Arends a agrega. “Pero si eleccion bin mañan, nos ta cla pa eleccion tambe.”





**Editor**  
Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #13307728

**Operations Manager**

Mariette Engelhart

**Redaccion**

noticia@bondia.com

Pilar Flores (hefe di redaccion)  
Angenette Figueroa (closer editor)  
Leo Maduro  
Andreina Morillo  
Raisa Montilla  
Oriana Geerman

**Ehecutivo di Benta**

sulaika.croes@cspnv.com

Sulaika Croes

**Aviso y Arte**

Sandra Loefstop

Lisa Tromp

**Departamento Digital**

Juan Luis Pinto

**Administracion**

accounting@bondia.com

Martha Arteta de Ariza

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Martin Boekhoudt  
Francis Dirksz

**Colaboracion**

Associated Press  
Ret Karibense  
Data Key

**Afiliacion**

Sociedad Interamerica  
di Prensa (SIP)

**DIRECCION**


Adres: Weststraat #22  
Tel: 582-7800

Email: noticia@bondia.com  
aviso@bondia.com  
info@bondia.com  
Website: www.bondia.com  
Facebook: @bondianoticia  
Instagram: bondiaaruba

**BON DIA ARUBA** ta un corant  
redacta y imprimi na Aruba y ta  
obenibel di dialuna te cu diasabra.  
Ningun contenido por wordo reproduci  
sin permiso di editor.



## Innovacion "New Deal" pa Aruba: Salubridad; Sensors & Big Data



**Den nos delaster columna nos a discuti e concepto di un health scan di full e poblacion adulto di Aruba. Awo nos lo bay un stap mas leu. Usando tecnologianan di mas nobo di Sensornan y Inteligencia Artificial ya caba ta posible pa gruponan di pacient cu riesgo halto tin cuida di salud "Real-Time Personalized & Predictive". Esta Salubridad live, 24/7, ademas full personalisa y te hasta voorspellend/preventivo.**

E sistemanan aki por wordo implementa den casi tur setting medico, for di contexto di Dokter di Cas, pa Ambulance, Hospital, Intensive Care Unit. Den varios specialisacion manera Cardiologo, Neurologia, Oogheekunde. E siguiente lista ta duna 5 ehempel unda Sensornan & AI a wordo usa pa baha gastonan medico. Na fin di e articulo tin e lista di referencianan academico.

- Electrode Huebs for Oral Area's in the United States. (1)
- eHealth for Lowering Blood Pressure in High Volume patient Settings (2)
- Digital Inhaler Adherence Technologies for Difficult-to-Treat Asthma in Children. (3)
- TeleCare for Complex Post-Traumatic Stress Disorder patients in Rural Area's. (1)
- AI in Ophthalmology (4)
- AI in Intensive Care Units (ICUs) (5)

Manera por wak di e lista ta varios specialisacion y den hopi diferente contexto e tecnologianan aki a wordo muestra pa baha gastonan den un sistema di Salubridad.

Pero nos kier duna un ehempel concreto den setting di Aruba: Tin un persona di 57 aña, cual den e populatie scan gratis di salud a muestra cu e tin un riesgo grandi pa haya un ataca di curason. Dor esaki e persona aki ta haya sensornan special di ECG, heart-rate y presion cu ta midi tur esaki 24 ora pa dia. E sistema ta conecta direct cu Inteligencia Artificial y Hospital. Un dia e AI ta nota cu segun e patronchi di data cu den 72 ora e persona lo probablemente sufrir un ataca di curason. E persona, ambulance y especialista ta haya un señal di esaki.

Ambulance ta busca e pacient y hib'e hospital, unda eta haya un catherisatie preventivo.


Den e ehempel aki nos a ilustra con un sistema di sensor y AI por preveni un ataca di curason. Asina spaar gastonan enorme, pero mas importante e sufrimento humano masivo cu un atake di curason ta trece cune pa pacient y famia.

Awo imagina nos por preveni un cantidad enorme di emergencia manera stroke, atake di curason, nierfalen y episodionan psikiatrico cu e tecnologianan menciona. E impacto lo ta masivo mes pa henter comunidad. Lo tin menos gasto direct pa AZV, e lo alivia e presion riba trahadornan di sector di Salubridad, e lo spaar hopi di sufrimento humano masivo y lo hisa productividad den economia en general.

Den otro siman su columna nos lo papia over "Smart Hospitals y Care Homes". Unda full un Hospital of Cas di Adulto Mayor tin sensor, AI, Telemedicine y te hasta Robot. Dus keda pendiente pa e columna aki.

**Referencianan**

- J Int Soc Telemed eHealth 2016;4:e21)  
European Journal of Preventive Cardiology. 2020;0(0). doi:10.1177/2047487320957170)  
J Allergy Clin Immunol Pract. 2023 Oct;11(10):3064-3073. e15. doi: 10.1016/j.jaip.2023.06.051.  
Asia-Pacific Journal of Ophthalmology, 10, 317-327. https://doi.org/10.1097/APO.0000000000000406)  
Value in Health, 25, 359-367.https://doi.org/10.1016/j.jval.2021.06.018





## Segun parlamentario independiente Rycond do Nascimento: Na defensa di Edgard Vrolijk

Despues di e resultado di e re-unionnan di 8 di mei y 19 di juni 2024 Misha Raymond, Miguel Mansur, Marisol Tromp y Gerlien Croes a keda cu un rencor contra Edgard Vrolijk pa motibo con e proceso di nan ley di matrimonio di mesun sexo a encamina, segun un comunicado di prensa di parlamentario independiente, Rycond do Nascimento.

Awo pa motibo di represalia y revancha personal nan kier baha henter gobierno. Cu ayudo di 24ora nan a orkestra nan atake pa e haya maximo atencion den prensa. Diahuebs merdia 5 di september 2024 24ora a lansa su atake mediatico pa baha gobierno. 24ora a lidera e atake cu sensacionalismo y palabranan manera “Lobbymento pisa” y textonan cu ta bisa: “Situacion tenso den Parlamento y Gobierno di Aruba den anticipacion pa e reunion pa vota pa presidente y vice-presidente di Parlamento pa aña parlamentario 2024-2025. Raiz parce di no lo sostiene Edgar Vrolijk. Oposicion ta purba convence Rycond Santos do Nascimento pa no para banda di MEP sino pa keda cu oposicion.” Diabierna merdia Patrick Paskel ta manda otro articulo di 24ora rond den cual e ta bisa entre otro: “MEP a “sigura” Rycond Santos do Nascimento”.

### E amor pa AVP ta hiba Patrick na troce noticia

Cu tin un alianza entre 24ora y e grupo di Raymond y Mansur pa baha gobierno ta obvio. Pero, tampoco no tin ningun misterio pakico Patrick y Speed kier dal ami de carambola den e atake aki. Na prome luga nan ta rabia cu mi a recorda hende cu Speed ta un convicto di opzetheling y e crimen di intercepta ilegalmente comunicacion policial, pasobra e kier ta e prome den noticia pa bende mas propaganda. Na di dos luga nan ta rabia pasobra mi a muestra con nan ta defensor di bandidos. Manera cu Benny of Otmar ta pone flecha riba Ministerio Publico, e duo comico ta presente manera bolo preto na bruid. Na di tres luga Patrick cu Speed ta rabia cu mi a bisa loke tur hende sa caba, esta cu nan ta e campañadornan number uno di AVP.

Tampoco tin ningun secreto pakico Patricknan kier destabilisa gobierno. Tur hende sa cu nan ta circula den e orbita di AVP y cu ta p'esey Patrick tambe ta inventa noticia na beneficio di AVP. Nos tur por mira con e ta defende e amigonan di AVP manera Gerlien, Paul, Benny y Marisol. Tambe nos tur por mira con e ta purba desacredita tur cu AVP ta considera un enemigo, manera Ministerio Publico, Hues y Hulanda.

### Patrick ta un “friend with benefits” di AVP

Obviamente AVP ta stima Patrick, pasobra e ta un “friend with benefits”.



Ora bo lesa e rapport di RDA cu Compliance & Forensic Services Caribbean a traha na maart 2021, bo ta detecta e red special di AVP cu tin acceso na poder of placa: Mike de Meza y Otmar Oduber, Richard Arends, Franklin Hoevertsz Sr., su yiu Franky Hoevertsz, Doris Canwood cu tabata traha cu abogado Sjiem Fat, Nathalie de Vos, Candy Rasmijn-Reino Quintero casa di Donny, Monica Patricia Oplaat-Cervantes Angulo etc. Anto den e klick di AVP e nomber Patrick Ronald Paskel tambe ta aparece como director di Tera Holding N.V.

E rapport ta muestra claramente con un sistema corrupto di patronahe politico ta hinca den otro: administracion zwak y controlnan debil pa zorg cu bo no por persigui ni fraude ni abuso di poder. Den RDA tabatin falta di supervicion riba e director, comportacion anti-etico y personal incompetente cu salarionan infla. Como cu no tabatin profesionalismo no tabatin ni sikiera un contract por escrito cu Tera Group/Patrick. Esey ta haci e manera di Patrick traha incompetente of conscientemente criminal y fraudulento. RDA y Patrick a traha

na un manera cu ta habri yen porta pa fraude. Ta na pueblo pa husga si Patrick ta simplemente dom of ta caya e tin. Echo ta cu Patrick a beneficia di su relacion intimo cu AVP pa haya tur tipo di contract bao di Gabinetenan Mike Eman.

### Patrick kier baha Edgard pa haya su benefits di AVP back

Si AVP forma un coalicion cu Accion21, MAS y Gerlien ta obvio cu Patrick cu Speed lo por conta cu basta contractnan lucrativo. Pa acelera e posibilidad ey mester tumba gobierno. P'esey Patrick ta trahando duro pa baha Edgard Vrolijk sabiendo cu MEP no lo acepta esey, causando caida di e Gabinete actual.

Awo, ora ta trata di Edgard mi mester bisa cu ami mes a formula e critica di mas fuerte contra e, manera con presidentenan di Parlamento di MEP a actua. Mi a critica con Ady Thijsen como presidente di Parlamento a viola nos Constitucion ora kier a retira un minister sin cu tin quorum den parlamento. Edgard tambe mi a critica, yamando e “inflado”, partidario y hasta “gemeen” den su trato di mi co-

leganan Gerlien y Mervin. Mi critica di mas grandi contra Edgard tabata su uzo di e Encuentro Publico (Openbare Bijeenkomst), entre otro pasobra e no tin ningun base legal. Mi hasta a manda carta pa Gobernador reclamando di e situacion aki.

Pero tambe mi mester admiti cu Edgard bin ta desplega un deseo cada biaha mas grandi pa haci lo corecto. Ademá Edgard tabata instrumental pa realisa leynan cu ta hisa integridad den nos sistema, manera e ley di financiamiento di partido politico, e ley di screening di minister y e ley di Ombudsman. Es mas, Edgard a pidi mi mi analisis y aporte huridico especialmente ora ta trata di cuestionnan cu ta regarda nos relacion cu Hulanda, mustrandograndesa tempo mi tabata den AVP ainda. E punto culminante ta cu Edgard a traha duro riba un Reglement van Orde nobo unda e ta reconoce cu e Openbare Bijeenkomst mester di un base legal.

### Represalia y revancha personal no mag di ta motibo pa baha Edgard ni Gobierno

Como cu mi no tin miedo di e gigantenan den prensa mi absolutamente no ta bay yuda 24ora acelera corrupcion den nos pais. Patrick kier uza e rencor contra Edgard cu Misha, Miguel y Marisol tin pa motibo con e proceso di nan ley di matrimonio di mesun sexo a encamina. Represaya y revancha personal nunca ta un bon motibo pa ningun voto. Berdad Edgard no ta perfecto, pero tur dia mi ta mira con e ta purba di ta un miho presidente di Parlamento. E ta dispuesto pa scucha y busca conseho y e kier evita foutnan cu a ser haci den pasado. Si AVP tuma e mesun postura, AVP tambe lo por conta cu mi sosten, pasobra den e pais aki ta un cos so mester determina nos voto: si e rumbo ta corecto pa Aruba henter.

Nota di Redaccion: E articulo aki ta un opinion skirbi pa parlamentario independiente Rycond do Nascimento y no ta representa opinion di Bon Dia Aruba. E opinion expresa ta responsabilidad exclusivo di e autor.





## Dokternan Hulandes ta prescribiendo Ozempic mas frecuente; mayormente pa diabetes y tambe pa bahamento di peso

(NLTimes)—E prescripcionnan di dokternan Hulandes pa e medicamento di diabetes Ozempic a aumenta significativamente entre 2019 y 2023. Dokternan Hulandes ta prescribi e medicamento mayormente pa trata diabetes, pero e cantidad di prescripcionnan pa trata obesidad tambe a aumenta, segun un estudio conduci pa Nivel.

Na 2019, 0.8 di cada 1,000 hende registra cu nan dokter a ser prescribi Ozempic. Aña pasa, esey a aumenta pa 6.3 pa cada 1,000 hende. E cantidad di prescripcionnan “off-label”, ora un dokter prescribi un medicina pa trata algo



otro compara cu su proposito original, tambe a aumenta for di 0 por ciento na 2019 pa 1.4 por ciento na 2023.

Ozempic, cu e semaglutide activo acorda, ta un medicamento diseña pa trata diabetes tipo 2, pero el a muestra efectivo pa baha peso. P'esey pre-

scripcionnan off-label a aumenta mundialmente, resultando den un deficit di semaglutide y preocupacionnan cu pashentnan cu diabetes no

lo haya acceso na e medicina cu nan mester. Tambe el a resulta den hopi benta ilegal di e medicamento y un aumento den overdosis na Hulanda.

Novo Nordisk, e compania farmaceutico tras di Ozempic, tambe a lansa Wegovy, cual tin e mesun ingrediente activo pero ta promovi pa baha peso. Zorginstituut Nederland a conseha recien contra e cubrimiento di Wegovy den e pakete di seguro di salud basico. Segun e instituto, tin demasiado incertumbre tocante e efectonan di e medicamento riba termino largo. Tambe e ta preocupa tocante con hopi hende lo cualifica pa e medicamento y con hopi e lo costa.

## India ta reporta caso di mpox den biahero for di pais infecta

(Reuters)—India a registra un caso sospechoso di mpox descubri den un homber cu recientemente a biaha for di un pais sufriendo di un brote di e virus, segun e ministerio di Salud Indio a bisa ayera. E pashent ta den isolacion den hospital y ta den condicion stabiel, e ministerio a garantisa.

E ministerio no a especifica cua variante di e virus di mpox e pashent por tin, pero

actualmente ta conduciendo testnan pa confirma e infeccion.

Mpox por plama via contacto cercano. Usualmente e infeccion ta resulta den enfermedad leve, pero den casonan incomun e por ta fatal. E virus ta causa sintomanan similar cu keintura y lesionnan riba curpa yena cu pus.

“E caso ta ser maneha den cuadra cu protocolnan estableci, y rastreamiento di

contacto ta andante pa asina identifica posible fuentenan y evalua e impacto dentro di e pais,” e ministerio a bisa. Luna pasa, e corant diario Hindu a reporta cu India ta na alerta desde cu e variante nobo di mpox a bira virulento na Africa.

E Organizacion Mundial di Salud (OMS) a declara e brote como un emergencia di Salud Publico di interes internacional despues cu a identifica e variante nobo.



India mes a detecta 30 caso di un variante bieu, conoci como clade 2, entre 2022 y maart 2024.

## Merca: Pashent na Missouri ta test positivo pa keintura aviar a pesar di no a tene contacto cu animal



(AP)—Un pashent hospitalisa na Missouri a ser infecta cu keintura aviar a pesar di no a tene contacto cu bacanan lechera of otro

animal asocia cu un brote andante, segun oficialnan di Salud a bisa diabierna.

Esaki ta e di 14 persona na

Merca cu a enferma cu keintura aviar desde maart, ora e virus a ser detecta den baca, despues di infecta parhanan salvahe y mamiferonan mundialmente. Y un otro persona a ser infecta na 2022.

E riesgo pa e publico en general ta keda abao, segun CDC Mericano a bisa den un declaracion. No a detecta ningun actividad inusual di keintura aviar na Merca, incluyendo den Missouri, oficialmente a bisa.

E caso mas recien a ser confirma despues cu un persona, un adulto, a ser hospitalisa dia 22 di augustus cu un otro condicion medico, oficialmente cu e Departamento di Salud y Servicionan di Adulto Mayor na Missouri a bisa den un declaracion.

E persona a test positivo pa influenza A, y oficialmente di CDC a confirma despues cu ta keintura aviar. E persona a ricibi medicamento antiviral y desde e tempo ey a recupera y a bay cas, segun oficialmente a bisa. No ta claro si e hospitalisacion a ser causa pa e infeccion di keintura aviar of di e enfermedadnan existente di e pashent, Lisa Cox, un vocero pa e departamento di Salud na Missouri, a bisa.

Oficialnan di Salud no a publica e nomber di e persona, ni edad of pueblo di residencia. Ningun contacto cercano di e persona a ser infecta, oficialmente di CDC a afirma. E caso a trece cune preguntanan tocante con e persona a bay den contacto cu e virus. Tur e infeccionnan anterior

na Merca tabata entre personanan cu a traha rond di baca of galiña.

Keintura aviar a detecta den casi 200 baca lechera den 14 estado, pero no den Missouri, segun e Departamento di Agricultura. Keintura aviar tambe a ser descubri den parhanan comercial y priva y den parhanan salvahe. E persona no a reporta bebemento di lechi curu, cual por contene virus bibo, Cox a splica.

E investigacion ta continuando, oficialmente a bisa.

E ta e prome casi detecta via monitoreo rutinario di influenza en bes di via esfuersonan diseña pa identifica personanan infecta cu keintura aviar exposicion na baha y galiña infecta, oficialmente a bisa.



## Corte ta anula boet di 50,000 euro contra firma di asesoria fiscal a causa di falta di evidencia

**(CuraçaoChronicle) - Un firma di asesoria fiscal a ser duna e beneficio di duda di parti di corte di impuesto den un caso cu ta trata acusacionnan di fayo intencional.**

E firma a ser acusa pa Belastingdienst di conscientemente conseha un cliente ken su maneho ta basa na Hulanda, apesar di ta oficialmente registra na Corsou, pues di e manera aki cometiendo un ofensa.

Sinembargo, corte a declara cu Belastingdienst no a provee evidencia convincente pa sostene su acusacionnan. Como resultado, e supuesto comportamiento negligente intencionalmente di parti di e firma y empresa no a ser comproba. A consecuencia, un boet di 50,000 euro imponi contra nan a ser retira.

Ademas, corte a critica Belastingdienst pa e manera cu el a haci su defensa, citando varios error den e procedura. E caso aki ta trata un firma di asesoria fiscal cu a provee servicio na un emprendedor for di aña 2006 te cu 2018. Den aña 2009, e emprendedor su compania a bende su subsidiarionan pa alrededor di 22.5 milyon euro. E firma di asesoria fiscal a ofrece guia riba con pa inverti e capital cu a resulta di e benta, sugiriendo un estructura basa na Corsou. E estructura aki ta involucra reloca e asiento di e emprendedor su compania pa Corsou y establece un di dos compania basa na Corsou pa mancha e bienes.

Apesar di e formato legal, Belastingdienst despues a ehecuta audit y a argumenta cu e maneho real di e di dos compania a ser haci na Hu-

landa, no Corsou. Basa riba e acusacion aki, Belastingdienst a impone un boet contra ambos e empresa y e firma, acusando cu e firma conscientemente a facilita e evasion di impuesto.

Corte a haya problema significativo cu e evidencia di Belastingdienst, declarando cu e documentonan cu a provee tabata desorganisa y incompleto. Corte no por a verifica e acusacionnan pa motibo cu tabatin falta di material pa referencia of nan no tabata completo. E falta di claridad aki a kita e peso di e caso di Belastingdienst, lagando corte conclui cu evidencia clave pa sostene e acusacionnan ta ausente.

Corte tambe a nota cu e acusacion base, cu e maneho di e di dos compania ta basa na Hulanda, no a ser comproba. Mirando cu e hecho



aki ta central pa e acusacion di mal conducta intencional, e firma di asesoria fiscal a ser otorga e beneficio di duda.

Adicionalmente, Corte a rechasa e acusacion di negligencia, citando Belastingdienst su fracaso den demostra cu e empresa tabatin suficiente motibo cu kere cu e empresa su maneho no ta na Corsou, of cu investigacion mas aleu tabata necesario.

Na final, e boet di 50,000 euro cu Belastingdienst a impone a keda anula. Corte a conclui cu e empresa no a actua cu e nivel intencional ni tampoco negligencia rekeri pa hustifica e boet. E decision ta un recordatorio di e importancia di evidencia cla y convincente den casonan relaciona cu impuesto y ta enfatisa e fayonan den procedura di Belastingdienst pa cu e caso aki.

## Investigacion contra HNO no ta logra asigna responsabilidad politico



**(CuraçaoChronicle) - Parlamento a sigui su discusion siman pasa tocante e investigacion parlamentario di e hospital nobo na Otrobanda (HNO).**

E rapport en cuestion, cual a costa te hasta 700,000 florin, ta provee un gran cantidad di informacion adicional pero no ta conclui ken ta politicamente responsabel pa e gasto cu ta significativamente mas halto di loke a anticipa.

Segun e miembro di parlamento Sheldry Osepa di partido PNP, algun den parlamento ta desapunta cu e investigacion mirando cu nan ta sperando un investigacion criminal. E no ta anticipa cu esaki lo sosode.

Osepa a cuestiona si e parlamento tin un interes directo den tuma accion legal y a pidi corte pa pidi e investigacion.

Apesar di esaki, Osepa a declara cu e no lo vota na favor di e mocion pa manda e rapport na Ministerio Publico (OM), aunke e sa cu esaki no lo resulta den un investigacion criminal.

Segun e presidente di parlamento, actualmente no tin un base suficiente pa acerca Ministerio Publico (OM) cu e rapport aki su conclusionnan.

## Ley di LN ta causa escasez di especialista y mas tratamiento den exterior

**(CuraçaoChronicle) - E implementacion di Landsverordening Normering Topinkomens (LNT), un ley cu ta pone limite riba e salarionan top, no a resulta den loke a anticipa cu lo spaar, segun National Association of Medical Specialists in Employment Curaçao (LVMPiDC).**

Na luga di esaki, el a causa un escasez di especialista medico y un aumento di tratamiento cu mester keda ehecuta den exterior.

E ley, cual ta limita e salario di oficialnan top, tambe ta aplica na specialistanan medico emplea pa Curaçao Medical Center (CMC), aunke esaki no tabata e intencion original.

LVMPiDC su acusacionnan cu e enfoka riba recorte di salario y burocracia cu ta keda crece ta poniendo cuido di salud na Corsou bao presion. Specialistanan ta bayendo for di e isla a causa di un salario mas abao, cual ta resulta den un aumento di gasto pa motibo cu pashentnan cada biaha tin mester di mas cuido den exterior. Adicionalmente, e ta birando hopi mas dificil pa Corsou atrae specialistanan local kendenan a train den exterior y awo a regresa e isla a causa di salario cu no ta atractivo pa nan, cual ta resultado di LNT.





## Gabinete ta confirma error: Detenidonan Ridouan Taghi y Said R. tabatin contacto breve

(NLTimes) – Secretario di Estado pa Seguridad y Husticia, Ingrid Coenradie a skirbi den un carta pa Parlamento cu varios detenido den e Instituto Extra-Sigur (EBI) na Vught tabatin contacto cu otro pa aproximadamente binti seconde pa motibo di un error.

“Esaki ta altamente indeseable for di perspectiva di seguridad, y pa e motibo aki mi a pidi DJI pa evalua esaki profundamente y tuma medida adicional unda ta posible,” e minister a bisa.

E no ta menciona cua detenido tabatin contacto cu otro “pa motibo di seguridad.”

Segun varios fuente, ta trata di e sospechosonan principal den caso Marengo, Ridouan Taghi y Said R. Ambos a keda sentencia cu bida den prison pa un corte e aña aki, pa entre otro, ta involucra den varios likidacion. E apelacion ainda ta andando.



Diahuebs a keda anuncia cu a move Taghi dentro di EBI fin di juli, y awo ta den un departamento cu ta separa solamente cu glas for di Said R. y Willem Holleeder, kende tambe ta sentencia cu bida den prison. Abogado di detencion di Taghi, Thomas van der Horst, ya a de-

clara cu tabatin contacto entre nan sin elabora mas. Varios partido politico subsecuentemente a puntra e Secretario di Estado pa clarificacion.

Na februari, Taghi, Said R. y Mario R. a keda sentencia cu bida den prison den e huicio Marengo, involucrando seis

asesinato, cuatro intento di asesinato y plan pa mata varios otro. E otro 14 sospechoso den e caso a ricibi sentencia variando di 21 luna te 27 aña den prison.

Segun Coenradie, ta posible “den situacionnan incidental” cu tin “contacto visual breve

entre prisioneronan cu no ta ubica hunto, bao supervision directo di personal.” Esaki por pasa, por ehemplo, ora ta hiba un prisionero for di su cel pa un cita cu su abogado mientras otro prisioneronan ta bezig cu e programa pafo di nan cel na e momento ey.

Su yiu homber Faissal awo ta deteni na e departamento unda antes Taghi tabata deteni. Recientemente a extradit’e for di Dubai pa Hulanda. Abogadonan di Faissal a expresa obheccion fuerte contra e regimen extremadamente estricto bao cual tin Faissal, 23, deteni, ya cu e ta den isolacion total. Nan ta yam’e “inhumano” y “desproporcional.”

Faissal ta sospecha di participa den un organizacion criminal cu ta trata cu trafico internacional di droga, labamento di placa, y preparacion di crimen violento. Ta bisa cu el a continua e organizacion criminal di su tata for di su cas na Dubai.

## Premier Schoof ta bisa cu Gabinete no ta bay tende di lidernan di partido



(NLTimes) – No por ta asina cu lidernan di partidonan den coalicion ta bay determina kico e Gabinete ta bay haci, Dick Schoof a bisa den su prome entrevista como prome minister cu corant De Telegraaf. Como miembro di PvdA, el a bay “riba caminda derechista” pa motibo di su experiencia como ambtenaar na servicio di inteligencia AIVD y autoridad di inmigracion IND.

“E Gabinete ta tuma decision. Mi por wel imagina cu ta bay tin scrutinio den algun caso – especialmente riba asuntonan hopi sensitivo manera estado di derecho y migracion. Pero na final, ta keda na e Gabinete y no na lidernan individual di partido, of ministernan individual, pa resolve esaki individualmente cu otro,” Schoof a contesta na e pregunta si ministernan ta tuma decision sin papia cu nan lider di partido.

Tampoco tin “asiento adicional na e mesa di Gabinete” pa lider di PVV, Geert Wilders y lider di NSC, Pieter Omtzigt, manera e entrevistador a bisa. Segun Schoof, “esakinan ta comentarionan increíblemente laaf. Den mi opinion, nan ta irrespetuoso pa cu e

prome minister aki. Ta realmente inapropia pa referi na nan comosifuera nan ta den gobierno tur ora.”

Tocante su periodo den PvdA, e prome minister a bisa: “Mi ta kere cu pa motibo di e diferente trabao cu mi tabatin, ya mi tabata den e banda derechista di PvdA. Y cu un cantidad grandi di realismo a bin den mi bida.”

Su periodo den IND a dun’e forma den termino di migracion. “Mi a mira ambos banda di e medaya. Refugiadonan cu a keda den berdadero necesidad y a keda pega akinan den un sistema di asilo cu tabata completamente pega. Hasta e tempo ey. Pero tambe bo tabata mira e otro banda: e hendenan cu tabata buscando un miho bida y tabata manipulando cos.”

Migracion y vivienda ta e puntonan unda e prome minister kier logra resultadonan real. “Mi tambe kier purba trece hende hunto un tiki, mira si nos por bay cu otro un tiki. Hende no ta disgusta otro intrinsecamente.” Schoof a boga pa no exagera e diferencianan den posicionnan. “Esey ta un riesgo den nos sociedad.”

Segun e, Gabinete Schoof II lo ta “hopi straño.”

“Mi ta un prome minister no-partisano. Si e Gabinete aki completa su termino of fracasa, ami no ta bay participa den eleccion. Mi ta spera di tin 71 aña e tempo ey. Lo ta hopi straño si nan no haya un candidato di entre nan propio hendenan despues di eleccion nobo.”





# Edmundo Gonzalez ta huy for di Venezuela y ta ricibi asilo na Spaña

(AP) - Ex candidato presidencial Edmundo Gonzalez a bay den exilio na Spaña riba diadomingo despues di ser otorga asilo na e pais, dunando un golpi fuerte na miyones di persona cu a pone nan speransa den su campaña di oposicion pa caba cu dos decada di mando di un solo partido.

E salida sorprendente di e homber considera e ganador legitimo di e eleccionnan tanto pa Venezuela como gobiernonan den exterior di e eleccion presidencial cu a tuma luga den juli a keda anuncia diasabra anochi di parti di Vice Presidente Venezolano Delcy Rodriguez.

El a bisa cu gobierno a dicidi di otorga Gonzalez un salida safe for di e pais, dianan despues di a duna ordo pa su detencion, pa asina "yuda restaura e pais su pas y tranquilidad politico."

Gonzalez a yega diadomingo na un aeropuerto cerca di Madrid, compana pa su casa y oficialnan Spaño, segun Spaña su ministerio di exterior a bisa. E lider di oposicion Maria Corina Machado a bisa cu Gonzalez tin miedo pa su bida si e lo a keda na Venezuela.

"Su bida tabata den peligro y e menasanan den su contra tabata keda aumenta, citacion legal, ordo di detencion y te hasta intento di blackmail di cual e tabata victima a demostra cu e regimen no tin escrupulo ni limite den su obsesion pa silencia su persona y purba di



kibr'e," Machado a publica riba X.

Spaña su gobierno centro-iskierdista a bisa cu e decision di sali for di Venezuela tabata di Gonzalez so, y el a sali for di e pais abordo di un avion manda pa e pais su forsa aereo. Gonzalez a keda na e embahada di Spaña situa na Caracas prome cu el a sali for di e pais.

Minister di Exterior Spaño Jose Manuel Albares a conta noticiario Spaño RTVE cu su gobierno lo otorga Gonzalez asilo politico manera el a pidi. Albares a papia for di Oman mientras e ta den ruta pa China conhuntamente cu Prome Minister Pedro Sanchez pa un bishita estatal.

"Mi a logra papia cune (Gonzalez) y na momento cu e tabata abordo di e avion, el a expresa su gratitud na e gobierno Spaño y Spaña," Albares a bisa. "Claramente, mi a bis'e cu nos ta contento cu e ta bon y na su caminda pa Spaña, y mi a reitera e compromiso di nos gobierno na e derechonan politico di tur Venezolano."

Den un speech prome cu Gonzalez su salida a keda anuncia, Sanchez a bisa cu e lider di oposicion ta "un heroe cu Spaña no lo abandona."

E Union Europeo su hefe di asuntonan exterior, Josep Borrell, a bisa den un declaracion diadomingo cu e ta describi esaki como "un dia tristo pa democracia na Venezuela."

Borrell a agrega cu Gonzalez "ta aparentemente e ganador di e eleccion presidencial" y cu e Union Europeo lo mantene su sosten pa e pueblo Venezolano "Den su aspiracion democratico."

Den un carta cu a manda diadomingo na legisladornan, Minister di Asuntonan Exterior Hulandes Caspar Veldkamp a bisa cu Hulanda a duna Gonzalez refugio poco despues cu e eleccion na su embahada. El a agrega cu Gonzalez a bisa na comienso di september cu ekier a sali for di e pais y "sigui su lucha for di Spaña."

Gonzalez, un ex diplomata di 75 aña, tabata un reemplazo di ultimo momento roa cu Machado a ser prohibi di participa den e eleccion. Anteriormente desconoci pa mayoria Venezolano, el a rapidamente sende e speransa den miyones di Venezolano desespera pa un cambio despues di un caida economico.

Mientras e president Nicolas Maduro a ser declara e gañado di e voto den juli, mayoria gobierno den exterior incluyendo Spaña te ainda no a reconoce su victoria y na luga di esaki ta exige e autoridadnan publica e votonan. Mientrastanto, e votonan colecta pa boluntarionan di oposicion for di mas di dos tercer parti di e mashinnan di voto electronico ta indica cu Gonzalez a gana cu un margen di mas di 2-1.

E votonan tin hopi tempo considera e prueba final di e resultado di e eleccion na Venezuela. Den eleccion presidencial anterior, Consejo Nacional Electoral de Venezuela a publica online e resultado

di cada un di mas di 30,000 mashin di voto sinembargo e panel controla pa Maduro no a publica ningun data e biaha aki, citando un supuesto atake cibernetico di parti di e oposicion na Nort Macedonia.

Procurador General Tarek William Saab, un aliado di Maduro, a pidi pa detencion di Gonzalez despues cu e no a presenta 3 biaha den conexion cu un investigacion criminal tocante loke e ta considera un sabotahe electoral.

Saab a bisa reporteronan cu e record di voto cu e oposicion a comparti online ta falsifica y un intento pa kita e balor di e conseho electoral nacional.

Expertonan di Nacionnan Uni y Carter Center, cual bao invitacion di Maduro su gobierno a observa e eleccion, a determina cu e resultadonan anuncia pa e autoridadnan electoral tin falta di credibilidad. Den un declaracion critico di e eleccion, e expertonan di Nacionnan Uni practicamente a duna valides na e oposicion su victoria, sinembargo tambe nan a bisa cu e recordnan di votacion publica online aparentemente tin tur e funcionnan original di seguridad.

Politico di oposicion den exilio Franco Casella a conta RTVE cu Gonzalez lo sigui e campaña contra e regimen for di exterior den loke e ta yama un rol di liderazgo dobel cu Machado, ken Casella a bisa cu te ainda ta scondi na Venezuela.

El a bisa cu e ta compronde cu algun persona den oposicion di Maduro por sinti mane "nan a ser laga huerfano" cu Gonzalez su salida. Sinembargo, el a agrega, cu "esaki lo ser usa di manera positivo, y mi mensahe ta cu esaki no ta e momento pa yora, e ta momento pa nos keda uni contra e dictadura."

Spaña ta un punto grandi di exodus di e Venezolanonan, particularmente esnan cu ta liera oposicion na regimen di Maduro. Nan ta inclui Leopoldo Lopez, ken a huy pa Spaña y a reuni cu su famia den 2020, y Antonio Ledezma ken a sali den aña 2017.

Alrededor di 44,000 Venezolano a inmigra pa Spaña den e prome 6 luna di e aña aki. E ultimo gobierno su estadistica di 2022 a bisa cu alrededor di 212,000 Venezolano tabata bibando na Spaña den e tempo aki.






## Bolivia: Crisis energetico y falta di dollar ta anticipa exodo di mas di 1 milyon Boliviano na Peru

(infobae) – E politica energetico estadista y nacionalista di Bolivia ta provocando desabastecimiento y problema serio cu economia di e pais, un situacion cu ta anticipa e exodo di mas di 1 milyon Boliviano pa Peru y e fuga masivo di dollar for di su territorio, manera tempo atras a sucede cu Venezuela, segun e consultor Gas Energy Latin America.

Ta calcula cu Bolivia ta bay keda sin suficiente gas natural pa atende su demanda interno na 2028. Segun e organismo specialisa den politica di distribucion y consumo energetico den e region, ta existi “un inclinacion acelera di produccion di gas natural y likidonan asocia.” Esaki debi na e falta di inversion den exploracion den dollar cu e estatal Boliviano YPFB “no tin con pa enfrenta.” Na e pais, e compania aki ta unico cu ta opera e reservanan di gas.

E grafico adhunto ta coresponde na un exposicion di e consultor den un evento organisa pa Sociedad Peruano di Hidrocarburo (SPH). “Bolivia no tin e posibilidad di trece inversion priva manera Peru tin. Ta recomenda Peru pa no cay den e mesun erornan di Bolivia di estado empresario y



continua cu e modelo di inversion priva,” segun Alvaro Rios, titular di Gas Energy Latin America, a bisa Infobae.

Segun Rios a splica, e bonanza di e “milagro Boliviano” a sucede pasobra, despues di nacionalisa gas na 2006 y aumenta loke estado ta keda cune na 85%, Bolivia a cuminsa exporta esaki pa Brazil y Argentina, generando ingreso den dollar suficiente pa masifica e recurso internamente a traves di tuberia.

E problema ta ora e gas cuminsa

caba, y ya tin un poblacion dependiente di e energia aki. Door di ta den man di estado, e sector hidrocarburifero di Bolivia no a participa den mas labor di exploracion. E tormenta perfecto pa un economia cu tabata basa gran parti di su subsidio riba ingresonan di gas natural. No tin gas y tin escasez di dollar na Bolivia.

Bolivia awo ta memey di un crusada y cerca di habri e tuberia cu tabata provee gas pa Argentina, pero awo den sentido contrario, pa cumpra

e gas. Inflacion na e pais a alcanza 1.58% na augustus, cu un acumulacion anual di 4.61% segun Instituto Nacional di Estadística, INE.

“Na Bolivia, YPFB ta controla henter e cadena di balor: explotacion, tubo di transporte, y comercialisacion. E empresa ta hues y parti y proveedor unico di combustible di mercado. E caida a cuminsa na 2014,” segun e especialista.

Pa es motibo, augustus ultimo empresarionan Boliviano anexa

den Confederacion di Empresario Priva di Bolivia (CEPB), como tambe representantenan di Estado, a acorda gestiona e aprobacion di e proyecto di ley di Ministerio di Hidrocarburo y Energia di e pais, cual ta pretende pa aumenta inversion den exploracion y explotacion di hidrocarburo door di sector priva, casi un año despues cu presidente Luis Arce a reconoce cu “gas a caba.”

### Crisis di gas y dollar por yega Peru

Cu meta pa evita un situacion similar na Peru, Gas Energy Latin America – cu ta opera na Peru, Bolivia y Venezuela – ta recomenda pa “cuminsa un tarea exploratorio corrigiendo e fayonan propio di sistema nacional relaciona e tramitologia eleva y conflictividad social existente.”

“Cu meta pa dia di mañan no converti den un importador neto di energia, principalmente di gas natural, y cu impacto riba su economia manera ta sucede na Bolivia,” Rios a bisa.

Peru, manera Bolivia, tin potencial pa sigui explora, e consultor a splica. E gas natural ta e energetico mas importante pa descarbonisacion di e planeta y mester mantene un ciclo exploratorio continuo.

## Colombia: Gustavo Petro ta insisti riba golpi di estado contra dje y a convoca marcha di nobo

(infobae) – **Presidente Gustavo Petro ta para firme riba e idea cu ta gestionando un golpi di estado contra dje, promovi pa oposicion y algun partido di derecha cu no ta conforme cu su administracion, segun el a publica.**

Den un mensahe comparti riba X, e mandatario a sigura cu e atake contra democracia ta orkestra for di Consejo Nacional Electoral y Comision di Acusacion di Congreso di e Republica, cu actualmente ta adelantando investigacion pa supuesto violacion di limite den su campaña pa presidencia.

De hecho, Petro a sigura cu e golpi di estado na cual e ta referi ta comanda pa e forsanan di oposicion cu a critica su gobierno fuertemente den e prome dos año di mandato. Incluso, e presidente a sigura cu ta trata di un oligarkia cu,

segun su persona, ainda ta existi na e pais y cu kier tuma control politico back. “E oligarkia Colombiano cu no ta cansa di saca lechi di e pais y convertie den un di esnan mas desigual y violento na mundo, a dicidi di caba cu e tiki democracia estableci den constitucion di 1991 y kibra su reglanan pasobra no ta soporta un presidente banda di pueblo y no banda di nan maniobra mafioso y asesino,” e mandatario a bisa den su post. “Esnan derota na 2022 ta preparando un golpi di estado contra cambio na Colombia y e voto di pueblo.”

Tocante e supuesto persecucion cu tin contra e presidente di Colombia, Gustavo Petro a bolbe acudi na e pueblo pa, a traves di manifestacion, sostiene gobierno nacional y evita su salida di e Cas di Nariño, a pesar di e investigacionnan penal actualmente den su contra.

Pa cu e palabranan di e mandatario, un di e promenan pa responde tabata e concejal di Bogota y miembro di Centro Democratico, Papo Amin, ken a desmenti e posibilidad di un golpi di estado, na mes momento cu a sigura cu institucionnan di e pais ta djis cumpliendo nan mision.

Esaki ta e di dos biaha den menos di 24 ora cu e presidente ta adverti tocante un posible golpi di estado.

Dia 7 di september, Petro a cuestiona un biaha mas e investigacion andando di CNE tocante e limite di financiamiento di su campaña presidencial na 2022. E mandatario a critica e decision di Consejo di Estado cu a sostene e capacidad di CNE pa investig’e, a pesar cu ta trata di, segun su palabranan, “un instancia puramente administrativo y politico.” Petro a argumenta cu su fuero con-



stitucional lo mester proteg’e y cu CNE a excede su competencia door di continua cu e investigacion mas leu cu e 30 dia despues di eleccion na juli 2022.

Petro a denuncia loke e ta considera un intento di golpi di estado den su contra y a contrasta e situacion di Colombia cu esun di Venezuela, afirmando: “Ta keda di Venezuela? Na Colombia ta avanza un golpi di estado contra e

presidente.”

A pesar di obhecionnan di Petro, e proceso ta continua. E nuebe magistrado di CNE tin den nan poder e ponencia cu ta detaya e irregularidadnan denuncia. Relaciona cu e concepto emiti pa Consejo di Estado, Petro a sigura cu e documento no tabatin forsa vinculante y no mester anula su fuero constitucional.

Potret di archivo.



## Actornan di videogame ta yega acuerdo cu 80 videogame riba terminonan di AI

(AP) - Despues di a manifesta pa henter un luna, actornan di videogame a yega un trato cu 80 wega cu a firma acuerdonan di presupuesto interino of den nivel cu e actornan su sindicato y a acepta provision di inteligencia artificial cu nan tabata buscando.

Miembronan di Screen Actors Guild-American Federation of Television and Radio Artists (SAG-AFTRA) a cuminsa manifesta den juli despues cu negociacionnan cu e gigantenan den e industria di wega cu a cuminsa di un aña y mey atras a yega un paro a causa di proteccion di AI.

Lidernan di e sindicato ta bisa cu e actornan di bos pa e videogame y artistanan di motion capture su persona por ser replica pa AI y usa sin nan consentimiento y sin compensacion husto.



SAG-AFTRA a anuncia e acuerdonan cu e 80 videogame individual riba diahuebs. E actornan impacta pa e paro di trabao awo por sigui traha riba e proyectonan aki.

E manifestacion contra otro publicadornan di video game incluyendo Disney y Warner Bros. su companianan di wega y Electronic Arts Productions

Inc., lo sigui.

E acuerdo interino ta garantisar mehoracion di salario, proteccion contra “uso explotativo” di inteligencia artificial y precaucionnan di seguridad cu ta responsabel pa e presion di prestacion fisico, ademas di stress vocal. E acuerdo di presupuesto den nivel tin e meta di haci traha cu talento di e sindicato mas posibel pa

desaroyadornan di wega independiente y proyectonan cu un presupuesto mas chikito mientras tambe ta provee e actornan cu e proteccion bao e acuerdo interino.

Duncan Crabtree-Ireland, SAG-AFTRA su director ejecutivo nacional y negociador hefe, a bisa den un declaracion cu e companianan firmando e acuerdonan aki ta “yudando preserva arte di ser humano, ingenuidad y creatividad cu ta e motor tras conta storia di manera interactivo.”

“E acuerdonan ta señala cu e companianan di videogame den e grupo colectivo no ta

representa e deseo di e companianan mas grandi den industria di videogame,” Crabtree-Ireland a comenta. “E varios compania cu ta contento di acepta nos termino di AI ta comproba cu e terminonan aki no solamente ta rasonabel, sino posibel y sostenibel pa e negoshinan.

E sindicato a bisa diaranson cu e studio di desaroyo di wega Lightspeed L.A a acepta produci weganan actual y den futuro, incluyendo e titulo popular “Last Sentinel,” bao e sindicato su acuerdo interino, nificando cu e por traha tambe cu talento di e sindicato si e manifestacionnan sigui.”

## Manifestantenan pro-Palestina ta stroba anochi di apertura di Toronto Film Festival



(AP) - Manifestantenan Pro-Palestina ta stroba screening riba anochi di apertura na Toronto International Film Festival, gritando “Stop e genocidio!” durante remarcanan di apertura.

Na e screening pa David Gordon Green su comedia “Nutcrackers” diahuebs anochi, 4 manifestante a cana den e centro di e hang di teatro Princess of Wales, cargando borchí y flashlight mientras nan ta grita critica di sponsor di festival Royal Bank of Canada. “Corta relacion cu RBC,” nan a grita. Cameron Bailey, director di e festival, tabata papiando na e podium riba escenario ora cu e manifestacion a cuminsa. El a purba mantene ordo, urgiendo e manifestantenan, “nos ta aki pa cuminsa e festival.” Varios persona den e audiencia a boo e manifestantenan.

E manifestacion a dura algun minuut prome cu e manifestantenan a ser dirigi pafo di e seguridad. Varios persona cu a atende a publica video online di e incidente. Representantenan di e festival no a responde na peticionnan pa comentario. Den un declaracion, RBC a bisa cu “nos ta respeta e derecho di e individuonan pa nan bos ser scucha, pero ta desafortuna pa mira gruponan activista ‘co-opt’ e evento cultura importante. Manifestantenan contra sponsor corporativo ta cambiando atencion for di trabao di artistanan y debilita sosten pa arte esencial y programanan cultural.”

E banco a agrega; “E crisis humanitario na Israel y Gaza ta sigui tin un impacto debastador y nos ta sinti profundamente pa tur hende cu ta afecta.”

Na aña pasa su TIFF, un campaña yama RBC Off Screen tambe a manifesta contra e sponsor di e festival. Un carta habri na TIFF a urgi e festival pa reconsidera e relacion cu RBC. E personanan cu a firma ta inclui Mark Ruffalo, Rachel McAdams y Joaquin Phoenix. Nan a critica e banco su fondo di e industria di gas y azeta.



**DESDE 1 DI JULY 2024 CONFORME LEY,**  
**ARUBA WASTEWATER SUSTAINABLE SOLUTIONS**  
**AWSS**  
**TA ENCARGA CU RWZI NA ARUBA.**

**RWZI**  
**SYSTEMA DI RIOOL**  
**PLANTA NAN DI PURIFICACION**

**Pa mas informacion:**  
[www.awss.aw](http://www.awss.aw) | [AWSS](https://www.facebook.com/AWSS) | [info@awss.aw](mailto:info@awss.aw)  
 280-0436

**Aruba Wastewater Sustainable Solutions**  
*A revolution in sustainable wastewater solution*



## A celebra hunto cu Biblioteca Nacional Aruba nan 75 aña di existencia



**Recientemente, Minister di Enseñansa y Deporte acompaña pa su esposa Dilailah Croes a celebra hunto cu Biblioteca Nacional Aruba (BNA) 75 aña di trabou di bibliotica cu a tuma luga na Aruba Surfside Marina. Un fiesta bon anima cu banda Duro na unda tur presente por a gosa di e bon ambiente**

Dia 20 di augustus 2024, BNA a cumpli 75 aña di existencia. 75 aña di historia di biblioteca na Aruba ta un faro di conocemento, un santuario pa studiamiento y un brug cu ta habri un mundo pa nos tur. No ta solamente buki, pero un biblioteca ta fomenta curiosidad, alimenta soñonan y construi un comunidad buscando sabiduria.

Biblioteca Nacional Aruba ta hunga un rol crucial den nos comunidad entre otro, ta provee acceso liber na informacion pa medio di buki, revista, corant y tambe den forma digital; ta pone enfasis riba importancia di educacion y studia pa bida largo pa por empodera nos comunidad; ta ofrece espacio, como un centro comunitario, unda cu por haci presentacion di buki, organisa exposicion, studia, relaha, sigui curso y mucho mas; inclusion digital; preserva y promociona nos herencia cultural.

Biblioteca Nacional Aruba a haci avancen grandi riba e tereno aki den cooperacion cu Archivo Nacional Aruba y UNOCA. Lansamento oficial di [www.coleccion.aw](http://www.coleccion.aw) riba dia 28 di september 2023, uzando e plataforma di Internet Archive, ta un paso importante.

Finalmente, Minister Endy Croes ta felicita staf y personal di Biblioteca Nacional Aruba cu ta celebrando tres cuarto di siglo di servicio den nos comunidad.

## Cantante nobo di Linkin Park ta pidi despensa pa sosten na Danny Masterson

**(TMZ) - Linkin Park su cantante principal nobo ta respondiendo na critica di fanaticonan tocante su conexion na actor Danny Masterson, pidiendo despensa pa su asociacion na e actor y bisando cu el a husga e actor incorrectamente.**

Linkin Park a anuncia emily armstrong, co-fundador di e grupo Dead Sara, como e cantante principal nobo, alrededor di 7 aña despues cu e vocalista stima Chester Bennington a fayece.

Dentro di oranan despues di e anuncio, e fanaticonan a cuminsa señala cu Emily a atende un audiencia preliminar den 2020 na sosten di Masterson, ken aña pasa a ser condena pa dos cargo di violacion, causando indignacion special pa motibo cu Chester tabata hopi publico tocante su experiencia y sobrevivencia di abuso sexual.

Emily no a nombra Masterson, pero si el a publica un declaracion cu ta referencia e actor, bisando cu añanan atras el a ser pidi pa duna sosten a un persona cu el a considera un amigo durante e audiencia. Segun Emily,

despues di a atende e audiencia, el a realisa cu e tabata un eror, agregando cu semper e ta purba mira e cosnan bon di un persona pero a husga malo.

E ta bisa cu e no a papia cu Masterson desde e dia aki y a nota cu e no ta sostiene violencia contra hende muhe y tin empatia pa e victimanan di e persona aki su accionnan.

Aunke e no a menciona Masterson pa nomber, pero e personanan por a haci e conexion. El a bisa cu, e declaracion no ta completamente defende Armstrong, cu fanaticonan te ainda expresnado critica y duda tocante su supuesto asociacion cu Scientology.

Aparentemente, e tabata atende gala di Church of Scientology cu ex miembro di su banda, Cedric Bixler-Zavala, ken su casa Chrissie Carnell Bixler a acusa Masterson di abuso tambe.

Linkin Park ta sostiene Emily, cu silencio tocante e topico. Nan tin un album cu lo ser lansa pronto den november y un tour internacional cu lo cuminsa proximo siman.

## CAREER SPOTLIGHT BY AHATA



**ALVARO CAMARA**

**1989**  
**F&B Receiving Clerk**  
Holiday Inn Resort Aruba

**2021 - present**  
**Director of Revenue & Business Strategy**  
Holiday Inn Resort Aruba



## SV Britannia Division Honor ta titula campeon Copa Roy Croes



Diasabra anochi a tuma lugar den CD Yara na Savaneta e encuentro final pa e titulo di campeon Copa Roy Croes entre

campeon Liga Plata cu ta e speransa berdenan di Savaneta, esta La Fama contra di e pumanan di Piedra Plat, esta SV Britannia.

E wega tabata bastante balansa unda cu den di prome tempo ningun di dos team por a logra anota gol.

Den di dos tempo e pumanan di Piedra Plat tabata un poco mas den dominio y aki ta unda cu Pieter Susebeek ta anota e gol di bay ariba 1-0 y cual gol a resulta e gol di victoria pa e pumanan y tambe e titulo di campeon Copa Roy Croes 2024.

Esaki ta di tres titulo cu SV Britannia ta logra den un cor-

to tempo, cual ta: Campeon di Aruba 2023/24, Campeon Copa ABC (ex Copa Antillano) y awor Copa Roy Croes.

Pabien na e team di Piedra Plat, staf tecnico, directiva y fanaticonan cu a bin apoya di pumanan. Awor ta cuminsa e preparacion pa local ta campeonato di AVB 2024/25.



## Oranje ta cuminsa nan campaña den UEFA Nations League cu vitoria 5-2 riba Bosnia

(NLTimes) – Oranje a cuminsa nan campaña den UEFA Nations League cu un victoria 5-2 contra Bosnia y Herzegovina diasabra. Joshua Zirkzee, Tijjani Reijnders, Cody Gakpo, Wout Weghorst y Xavi Simons a anota e golnan pa banda di Ronald Koeman den nan prome partido desde Campeonato Europeo berano ultimo.

Joshua Zirkzee a ricibi su prome start pa e banda nacional. Ya cu e delantero usual Memphis Depay tabata ausente for di e team, e hungador recién contrata di Manchester United a ricibi su lugar. El a recompensa su manager, Ronald Koeman, anotando e gol di apertura di e wega y su prome pa e banda internacional. Un tiro di Xavi Simons a keda rechasa den aire y a cay riba cabes di Zirkzee. El a dal'e patras, y el a drenta banda di e post.

Tabatin un contingente enorme di Bosnia den e Stadion Philips na Eindhoven, y por a scuch'e ora nan a empata den minuut 27. Denis Huseinbasic a hunga un pase door na Ermedin Demirovic, kende a dal e den skina abao



ricibiendo aplauso.

Esaki tabata contra e wega su tendencia, ya cu banda di Koeman a domina posesion den prome mita. Nan a casi retoma e bentaha den minuut 42 door di Tijjani Reijnders. E centrocampista a hunga un one-two fantastico cu Zirkzee prome cu su esfuerso a dal den e post.

E combinacion di Reijnders y Zirkzee a traha un biaha mas, pero e biaha aki tabatin e resultado corecto na final, tambe, den tempo extra di prome mita. Zirkzee a manda e bala pa Reijnders, kende a usa e espacio crea pa Cody Gakpo den su careda pa posiciona su mes pa e chens, cual el a

manda den e net.

E despliegue fantastico di Reijnders a continua mientras el a asisti e di tres gol den minuut 56. Denzel Dumfries a trapa e bala inteligentemente pa Reijnders por a bay cune. E centrocampista a tuma un toke prome cu a mand'e pa Gakpo, kende a slide e bala den e net di cerca.

Oranje tabata dominando y casi a anota nan di cuatro gol un minuut despues. Zirkzee a haya Reijnders un biaha mas, kende su tiro tabata blokea prome cu a alcansa Xavi Simons. Un lucha cortico a sigui prome cu Simons a dal'e di un angulo grave.



E bishitantenan no a rindi y a reduci e deficit na un gol atrobe den minuut 73. Un pase di Esmir Bajraktarevic, 19, a alcansa e delantero veterano Edin Dzeko dilanti di e porteria, cu a tuma un toke prome cu mand'e cas. E gol a bin di un eror defensivo di Matthijs de Ligt, kende completamente a perde su hungador.

E wega a caba na minuut 88. Quinten Timber, kende a subi tiki despues cu su ruman homber Jurrien tambe a subi cancha, a gana e bala. Su tiro rechasa tabata dificil pa Nikola Vasilj, kende a dal e mand'e pa Wout Weghorst. E hungador recién contrata pa Ajax a

mand'e cas pa hacie 4-2.

Sinembargo, no tabata e ultimo gol di e wega, ya cu Hurlanda a bolbe anota atrobe algun minuut despues. Atrobe, un rechaso tabata den nan favor. Xavi Simons a hunga un one-two cu Donyell Malen prome cu a rechasa su tiro den e porteria.

A pesar di e victoria convincente, Oranje no ta den top di grupo 3. Alemania a derota Hungria 5-0 den e otro partido di e grupo pa bay cu e prome lugar despues di un wega hunga. Alemania ta bay ta e oponente di Oranje diamars na Johan Cruyff ArenA.

Potret di AP.



## Francia ta despedi di su berano deportivo na ceremonia di clausura di Paralimpiada

(AP) — E biaha aki, realmente ta au revoir. Un bonanza deportivo di berano cu a cuminsa bao awasero pisa dia 26 di juli riba Riu Seine a caba ayera cu e ceremonia di clausura di Paralimpiada na e Stade de France.

Mientras e stadion tabata cendi den e colornan blauw, blanco y cora di bandera nacional Frances, un trompet a toca e himno nacional “La Marseillaise” y e atletanan Paralimpico cargando bandera a drenta e stadion cargando bandera nacional cu zonido di “Chariots of Fire” di Vangelis.

Presidente di Comité Paralimpico Internacional, Andrew Parsons a bisa cu Francia tabata excelente como anfitrión den ambos Wega. “Pa un país famoso pa su moda y su cuminda, awo Francia ta famoso pa su fanaticonan.”

E multitud a aplaudi hunto cu un set di breakdancing, prome cu ganador di Premio Tony, Ali Stroker a interpreta e himno nacional Mericano como parti di e entrega pa Los Angeles. Stroker a haci historia na 2019 como e prome usuario di rolstoel pa gana un Premio Tony pa su interpretacion di Ado Annie den e version di Broadway di “Oklahoma!” di Rodger y Hammerstein. Den otro porcion di e entrega na LA, Venice Beach Skate Park a transforma den un escenario 360 cu skateboarder y coreador di motocross riba rolstoel.

Despues, e multitud a grita mientras compositor Frances di musica electronico, Jean-Michel Jarre a cuminsa clausura e ceremonia, cu atrobe tabata dirigi pa director artistico, Thomas Jolly. Jarre, 76, a toca musica comosifuera un club nocturno di Paris, ignorando e awasero cu tabata cay riba dje.



Jolly tabata kier a converti e stadion den un fiesta di baile gigante al aire libre. Mas di 20 DJ, incluyendo Etienne de Crecy, Martin Solveig y Kavinsky, a sigui Jarre den tributo na e musica electro Frances cu e tema di “Biahe di e Ola.” Of e ola di ayo di mas di 64mil fanatico, y e ciudad mes, na e mas di 4mil atleta Paralimpico.

### Vibe di berano a continua.

Despues cu e Olimpiada exi-

toso a mostra e vibracion di nan fanaticonan rond mundo y e beyesa di e sitionan iconico di e ciudad, tabatin duda cu e energia lo continua pa e Paralimpiada, dia 28 di augustus te 8 di september.

E duda aki a keda silencio, cu atletanan disfrutando deporte fuerte. No tur sitio tabata sold out, pero esaki tambe pasobra e periodo di vakantie di zomer tabata cabando y muchanan tabata bayendo back scol.

Un aumento di entusiasmo a mira 2.4 ticket di e 2.8 ticket bendi – tras solamente di e 2.7 miyon bendi na 2012 na London – y esaki tabata un logro considerando cu pa fin di juli, apenas 1 miyon tabata bendi.

Cantidad di Parisiano a laga bashi – algun ta bisa, a huy – e ciudad memey di preocupacion pa caos di trafico, disturbio politico, tension social y miedo pa inseguridad. Pero e localnan cu a keda, of fanaticonan Frances biniendo di otro pueblo y ciudad, a duna nan atletanan sosten enorme durante ambos Weganan.

Den Olimpiada, Francia a alcanza un total di 16 medaya di oro entre su 64 medaya pa keda na di 5 lugar total den e conteo di medaya, y a gana 75 medaya total den Paralimpiada.

E Weganan mes tabata un exito pa presidente Emmanuel Macron. Transport a bay bon, tabatin tiki problema organisacional y a calma e problemanan di seguridad, cu polis hasta participando den comersionnan amistoso of posando pa potret cu fanaticonan – algo inusual na Francia.

Pa con largo e factor di bon sentimiento lo keda, ainda mester wak. Un indicacion trempa a bin diasabra, ora miles a subi caya pa protesta nombramento di e presidente di un prome minister conservador nobo. Tabatin algun “boo” contra Macron ora a introducie na inicio di e ceremonia.

Plus ça change, manera e dicho Frances ta bisa.





## Hues ta duna reguladornan Mericano te cu december pa propone castigo pa Google

(AP) - Un hues federal a duna e U.S Justice Department te cu fin di aña pa delinea con Google mester ser castiga pa su monopolio ilegal di e mercado di buskeda riba internet y prepara pa presenta su caso den impone e castigo proximo aña.

E cuadro di tempo crea pa Hues di Distrito Amit Mehta a bini durante e prome audiencia den corte desde cu el a categorisa Google como un monopolista sin misericordia den un decision historico tuma luna pasa.

Mehta su decision a causa e necesidad di un otro fase den e proceso legal pa determina con Google mester ser castiga pa e añanan di mal conducta y ser obliga haci otro cambianan pa preveni abuso den futuro di e search engine dominante cu ta e fundeshi di su imperio riba internet.

Abogadonan pa Justice Department y Google no por a yega un consenso tocante cua mester ta e tempo pa e fase di castigo den e simannan prome cu diabierna su audiencia na Washington, D.C, causando cu Mehta a guia nan na e caminda cu e ta spera lo resulta



den un decision riba e castigo prome cu dia di labor proximo aña.

Pa por logra esaki, Mehta a indica cu e lo kier pa e huicio den e fase di castigo sosode proximo aña. E hues a bisa cu maart y april ta muestra manera e miho lunanan riba su kalender di corte.

Si Mehta su tempo stipula duna resultado, un decision

riba Google su castigonan anti-confiansa lo bini 5 aña despues cu e Departamento di Husticia a entrega e demanda cu a causa un huicio di 10 siman. Esaki ta similar na e tempo cu Microsoft a experiencia den fin di 1990 ora cu reguladornan a bay den nan contra pa mal conducta den e mercado di computer personal.

Departamento di Husticia te ainda no a duna informa-

cion tocante con severamente Google mester ser castiga. Loke ta mas probabel di haya golpi ta e tratonan cu Google a aline cu Apple, Samsung y otro companianan di tecnologia pa haci su search engine e opcion automatico riba smartphone y web browser.

Pa por tin e trafico aki garantisa, Google ta paga su partnernan mas di 25 biyon dollar anual, cu mayoria di e placa aki

bayendo na Apple pa e posicion prestigia riba e iPhone. Den un escenario mas drastico, e Departamento di Husticia por busca un obligacion pa Google entrega parti di su negoshi, incluyendo Chrome web browsers y Android Software cu ta duna poder na mayoria di e smartphone na mundo pa motibo cu esey tambe ta garantisa trafico.

Den diabierna su audiencia, abogadonan di Departamento di Husticia a bisa cu nan tin mester di hopi tempo pa por ega na un proposicion comprensivo cu tmbe lo considera con Google a cuminsa usa inteligencia artificial den e resultadonan di buskeda y con e tecnologia aki por impacta e mercado.

Google su abogadonan a conta e hues cu nan ta spera cu e Departamento di Husticia propone un lista realistico di castigo cu ta atende e problemanan den e hues su decision na luga di entrega medidanan extremo.

Mehta a duna ambos banda te cu dia 13 di september pa propone un cuadro di tempo cu ta inclui e Departamento di Husticia su entrega di e castigo proponi prome cu 2025.



(Reuters) - Hefe di Telegram Pavel Durov a bisa diabierna cu e aplicacion di mensahe lo combati critica tocante su moderacion di contenido y kita algun funcion cu a ser abusa pa actividad ilegal.

Durov, ken siman pasa a ser poni bao investigacion formal na Francia en conexcion cu e uso di Telegram pa crimennan incluyendo fraude, labamento di placa y comparti imagennan di abuso sexual di mucha, a anuncia e decision den un mensahe na e 12.2 miyon usuario riba e plataforma.

“Mientras cu 99.999% por ciento di e usarionan no tin nada di haber cu crimen, e 0.001% invo-

## Durov ta bisa cu Telegram lo tuma accion contra critica tocante con e ta modera contenido

lucra den actividadnan ilicito ta crea un mal imagen pa henter e plataforma, poniendo e interes di nos casi 1 biyon usuario den riesgo,” e negociante Ruso a publica. “Esaki ta e motibo dicon e aña aki nos ta comprometi pa converti moderacion riba Telegram for di un area di critica na un area di elogio.”

Durov no a detaya con Telegram lo logra esaki. Sinembargo el a bisa cu ya caba el a deshabilita upload di media nobo na un herment independiente di blogging “cu aparentemente a ser mal usa pa actornan anonimo.”

Tambe el a kita e funcion tiki usa di ‘People Nearby’ “cual tabatin problema di bot y scammer” y na luga di esaki tabata muestra negoshi verifica y legitimo cerca na e usarionan.

E cambianan aki ta e prome cu el a anuncia desde cu el a ser deteni na Francia luna pasa y interroga pa 4 ida prome cu el a ser poni bao investigacion formal y laga den libertad bao fianza.

E caso a resona den henter e industria di tecnologia global, treciendo dilanti pregunta tocante e limite di libertad di expresion online, e politica di plataforma di rednan social y si nan doño ta legalmente responsabel a comportamiento criminal

di e usarionan.

Durov su abogado a bisa cu ta absurdo pa investiga e hefe di Telegram pa crimennan cometi pa otro personanan riba e aplicacion.

Katie Harbath, un ex director di politica publico na Meta, a bisac u “e ta algo bo cu Durov lo cuminsa tuma moderacion di contenido na serio, pero, di mesun manera cu Elon Musk y otro CEO den tecnologia cu ta lidera plataformanan di mensahe, si e ta pensa cu e lo ta simplemente haci algun cambio chikito, e lo haya un sorpresa grandi.”

Telegram tambe a kita lenguahe for di su Frequently Asked Questions (FAQ) bisando cu e no ta procesa rapport di contenido ilegal den combersacion priva pa motibo cu e combersacionnan aki ta protegi. Durov n oa referi na e cambio aki den su mensahe, den cual el a bisa cu Telegram a yega 10 miyon usuario cu ta paga un suscripcion.

Den un publicacion anterior riba diahuebs, Durov a bisa cu Telegram no ta perfecto. “Sinembargo e acusacionnan den rednan social cu Telegram di algun manera ta un paraíso ta absolutamente falso,” el a skirbi. “Nos ta retira miyones di publicacion dañino y canalnan tur dia.”



## 5 turista den auto di huur a reverse dal un otro auto staciona cu hende aden y tur 5 a baha bay manera nada a pasa



**Diahuebs anochi a drenta informe di un accidente entre Casa Del Mar y Divi Hotel, mesora a dirigi un patruya na e sitio.**

Na yegada di e patruya a bin comprende cu aki ta trata di un accidente unda 5 dama turista cu a yega den un auto blanco a reverse y a bay dal un auto Toyota cora baha for di e auto y cana bay manera nada a pasa. Pero den e auto cora tabata tin un dama sinta cu a sinti e golpi ta wardando su casa. Na yegada di su casa a avisa polis. Awor polis ta buscando esnan cu tabata den e auto blanco.



## Chauffeur no a regula su velocidad ni a mantene distancia y a bay dal tras di auto na Hooiberg



**Diahuebs mainta a drenta informe di un accidente na Hooiberg, mesora a dirigi un patruya na e sitio.**


Na yegada di e patruya a bin comprende cu aki ta trata di un accidente unda un Hyundai Atos a bay dal tras di un Hyundai Accent, aunke e impacto tabata fuerte y a bira e Accent afortunadamente ningun hende a resulta herida.



## Polis en busca di e tiradornan di piedra na e brug di Hato

**Diahuebs anochi a drenta informe di cu tin tiradornan di piedra na e brug di Hato, mesora a dirigi patruyanan na e sitio.**

Na yegada di e patruya a busca den full e area pero no a logra haya nan. E personanan aki no ta consciente cu nan ta pone automobilistanan y nan mes den peliger cu nan fechorianan y ta hinca hende den gasto.



## Stranhero no a ripara cu el a yega un crusada y a subi esaki net ora pick-up a bin dal e y bir'e 90 grado



**Diahuebs mainta a drenta informe di un accidente na e crusada banda di "Casi Nobo" den Avenida Milio Croes, mesora a dirigi un patruya na e sitio.**

Nayegada di e patruya a bin comprende cu aki ta trata di un accidente unda cu un chauffeur stranhero den Hyundai Accent no a ripara cu el a yega un crusada y a subi esaki net ora un pick-up Toyota a bin dal'e bir'e 90 grado. Afortunadamente ningun hende a resulta herida.





## Ambulans a bay E.P.B. Hato pa un mucha cu nan a dal cu piedra na cabes



Diaranson a drenta informe di cu tin un mucha herida cu un kap na cabes na E.P.B. Hato, mesora a dirigi un ambulans na e sitio.

Na yegada di e ambulans a bin compronde cu aki ta trata di un mucha cu a wordo herida cu un piedra na cabes.



## Pickup a dal riba muraya di supermercado na Tarabana y a bandona e sitio

Diamars anochi a drenta informe di un accidente dilanti Tarabana Supermarket, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un pick-up shinishi cu a bay dal riba e muraya di e supermercado y djey bandona e sitio. Polis a haya e number di e pick-up y a bay na e adres unda esaki ta registra pa atende cu e chauffeur pa e asumi su responsabilidad.



## Yiu muhe ta haci fastioso y ta lantando contra famia

Diaranson anochi a drenta informe di cu un yiu muhe ta haci fastioso y ta lantando contra su mesun famia na Papilon, mesora a dirigi un patruya na e sitio.

Na yegada di e patruya a bin compronde cu aki ta trata di un yiu muhe rebelde y polis a intermedia. Despues di a papia cu e yiu y a bis'e di e consecuencianan si e sigui mesora e yiu a calma y pas a bolbe reina na e hogar.




## Ambulans a bay na un crucero na waf pa un turista cu tabata hayando un ataca

Diaranson anochi a drenta informe di cu un turista crucero lo ta hayando ataca riba e barco crucero na waf, mesora a dirigi

ambulans na e sitio.

Na yegada di e ambulans nan a atende e victima y a transporte pa hospital.





# Bira un Heroe den comunidad: sea un Boluntario cu Heart-Centered Leadership Foundation!

**Heart-Centered Leadership Foundation (HCLF)** ta invita adulonan na Aruba pa crea un impacto door di ta un boluntario cu e fundacion. Adulto riba 18 aña por yuda empodera y inspira hobennan na Aruba den diferente manera.

Boluntarionan di HCLF ta esencial pa logra e proposito di e fundacion pa crea lidernan resiliente den comunidad. Cu hermentnan, tayernan y sosten, boluntarionan lo sinti segura den nan habilidadnan pa conecta y haci un impacto positivo cu hobennan. Ta un boluntario no ta solamente pa crecimiento personal y profesional, pero lo yuda reforza e habilidadnan necesario den e mundo actual. Boluntarionan di HCLF lo forma parti di un comunidad yena cu apoyo y hunto lo sigui crea impacto den bida di hobennan.

Crea un impacto como un



boluntario por sosode den diferente manera. Un rol mas directo ta como lider di grupo durante nos actividadnan, unda e boluntario lo guia conbersacionnan cu hobennan. Personanan interesa di duna sosten na un manera menos directo HCLF ta ofrece rol tras di cortina. E rol lo por ta den forma di prepara materialnan, ofrece sosten na e persona cu ta duna e actividad, saca potret durante actividadnan y yuda den e proceso di preparacion prome cu e actividad of ordena e sala despues di nos actividadnan.


E trabao di boluntarionan di HCLF por wordo refleha den e comentario cu hobennan ta duna. Un hoben ta comparti cu: "Nan ta scucha bo realmente". Un otro hoben ta enfatisa cu e boluntario ta yuda crea un espacio sin huicio: "Nan ta compronde sin huicio y por a relata cumi". E testimonionan aki ta demostra HCLF su compromiso pa empodera e hubentud di Aruba.

Na HCLF un boluntario ta un ehempel y simbolo di speranza pa e hobennan. Ronan, un boluntario, ta remarka: "HCLF ta ofrece un ambiente habri unda bo por ta bo mes. Hunto, nos ta impacta e comunidad. Mi ta siña di hobennan y nan diferente perspectivanan. Mi ta sinti un obligacion pa yuda hoben paso nan ta e futuro." Ronan lo describi su experiencia den e siguiente palabranan: "satisfecho, placentero y educativo". HCLF ta haña su dedicacion cu na e trabao di e fundacion y na hobennan di Aruba un inspiracion.



































Un otro boluntario a comparti cu HCLF a contribui pa e bira un miho version di su mes, un version mas fuerte, sigur y resiliente. Un otro boluntario cu a forma parti di HCLF como un hoben y awo como boluntario adulto a refleha cu HCLF ta dun'e motivacion pa lucha ta un miho version di su mes. Door di su experiencia como boluntario e a siña di e importancia di conexion y comunidad na Aruba.

Boluntarionan tin e poder pa haci un impacto den bida di e hubentud di Aruba. Esaki ta e oportunidad pa bira un heroe den comunidad y contribui na e desaroyo di e siguiente generacion. Conecta, inspira y haci un diferencia cu Heart-Centered Leadership Foundation. Tuma contacto cu HCLF via WhatsApp at 5841211 of email na hclfa-ruba@gmail.com



Resultado Sorteo 7 y 8 september 2024				
Cadena Alexander Lottery ta presenta resultado di weganan di suerte				
<b>DIARIO</b>		<b>KORSOU</b>	<b>SUPER4</b>	<b>FLAMINGO</b>
2048		9529	2680	5869
3088		3002	SUPER5	0810
3589		5810	-	1047

<b>DIADOMINGO</b>			
<b>DIARIO</b>	<b>KORSOU</b>	<b>SUPER4</b>	<b>FLAMINGO</b>
3827	7537	5010	0265
4849	4173	SUPER5	3461
3387	2768	77069	3794

<b>MERDIA</b>		<b>ANOCHI</b>		<b>DIADOMINGO MERDIA</b>					
 Sorteo # 4381 0917 9427 1917  X2  Sorteo # 4381 9579  X2  Sorteo # 2437 5354  Sorteo # 4381 2090 Carpicornio  Sorteo # 1255 806  X2		 Sorteo # 8341 9959 6759 9215  X2  Sorteo # 7385 4114  X2  Sorteo # 2090 6091  Sorteo # 6144 0023 Leo  Sorteo # 1074 646  X2		 Sorteo # 2525 0 x Jackpot 0 x Match 4+ 14 x Match 4 243 x Afl. 12,00 23-25-27-34-35 Joker 22 Letter i Proximo Jackpot 350.000,-  Sorteo # 6587 0 x Jackpot 3 x Match 4 148 x Afl. 8,00 12-18-23-24-28 Proximo Jackpot 74.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 250.000,- Afl. 350.000,-  Sorteo # 		 Sorteo # 4382 8357 2316 3146  X2  Sorteo # 4382 0360  FP  Sorteo # 2438 5744  Sorteo # 4382 3010 Geminis  Sorteo # 1256 770  X3		 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 350.000,-  Sorteo # 6588 0 x Jackpot 7 x Match 4 126 x Afl. 8,00 02-04-06-13-30 Proximo Jackpot 78.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 250.000,- Afl. 350.000,-  Sorteo # 	





#### Cas Di Cultura

Vondellaan 2 Aruba  
297-582-1010

#### F A D A

Campanastraat 5 Aruba  
297-583-2999  
297-583-9610

#### F A V I

Primavera 233 Aruba  
297-582-5051  
297-582-5222

#### F E P O

Engelandstraat 15 Aruba  
297-583-1016  
297-583-6607

#### Fundacion Contra Violencia Relacional

Tel: 583-5400

#### Fundacion Autismo Aruba

Irenestraat 21 Aruba  
297-588-1179

#### Fundacion Pa Nos Muchanan

Cumana 2 Aruba  
297-583-4247

#### Fundacion Tel Pa Hubentud

Wilhelminastraat 19  
Aruba  
297-588-6138

#### Koningin Wilhelmina Fonds

Spinozastraat 9 Aruba  
297-582-0412

#### Mary Joan Foundation

Sabana Blanco 8 Aruba  
297-588-9999

#### Rode Kruis Aruba

Pedro Gallegostraat 14  
Tel: 297-582-2219  
Fax 588-3376

#### Famia Planea (SBVO)

Avenida Milio J Croes 17  
B Aruba  
297-588-9591  
www.famiaplanea.org  
famiaplanea@hotmail.com

#### Stichting Fundacion Guia Mi

George Madurostraat 34  
297-582-0088

#### Y M C A

Calbasstraat 1 Aruba  
297-582-3072

#### AL-ANON group

Sabana Liber #8, Noord  
(close to the hotels)  
Tel: 736-2952 or  
593-7081



#### Dokter na warda

**Oranjestad** **San Nicolas**  
**Hospital** **Imsan**  
7:00 pm / 10:00 pm **24 ora**

#### Botica na warda

**Oranjestad:** **San Nicolas:**  
Eagle Aloe  
Tel. 587 9011 Tel. 584 4606  
**EMERGENCIA** **911**

#### POLIS

**Oranjestad** **100**  
**San Nicolas** **104**  
**Santa Cruz** **105**  
**Noord** **107**  
**Tip Line** **11141**  
**Brandweer** **115**  
**Ambulance** **911**  
**Hospital** **527-4000**  
**Imsan** **524-8833**  
**Warda Costa** **913**  
**Seguridad Nacional** **11911**  
**Cruz Cora** **582-2219**

#### BOTICA

**Aloe** **584-4606**  
**4 Centro Medico** **584-5794**  
**Central** **585-1965**  
**Dakota** **588-7364**  
**Del Pueblo** **582-1253**  
**Eagle** **587-9011**  
**Kibrahacha** **583-4908**  
**Maria** **585-8145**  
**Di Servicio Noord** **586-4606**  
**Oduber** **582-1780**  
**Paradera** **588-6638**  
**San Lucas** **584-5119**  
**San Nicolas** **584-5712**  
**Santa Anna** **586-8181**  
**Santa Cruz** **585-8028**  
**Sero Preto** **584-4833**  
**Trupial** **583-8560**

#### UTILIDAD

**Setar** **117**  
**Web** **525-4600**  
**Elmar** **523-7147**

#### FUNERARIA

**Aurora** **588-6699**  
**Royal Funeral H.** **586-4444**  
**Ad Patres** **584-2299**  
**Olive Tree** **584-8888**

#### Servicio di Taxi

**Aruba Transfer Tour &  
Taxi C.A.**  
Tel: 582 2116 / 582 2010

**Taxi Adres Services (24h)**  
Tel. 587 5900

**A1 Taxi Services Aruba**  
Tel: 587-8850  
Tel: 280-2828  
Whatsapp: 592-7024

## Un homber na California a ser acusa di asesina 81 bestia den un tiroteo cu a dura 3 ora



**(AP) - Homber sospecha di a cuminsa los tiro pa 3 ora na California y causa morto di 81 bestia, incluyendo cabay miniatutura, galiña y cabrito, a declara su mes inocente na crueldad di animal y otro cargonan.**

Vicente Arroyo, di 39 aña, a haci su prome apariencia den corte diahuebs despues cu Monterrey County Sheriff su diputadonan a detene su persona den siman a causa di aparentemente usa varios arma pa tira e bestianan cu tabata den Prunedale.

E dono di e bestianan no kier ser identifica ni tampoco papia cu media, comandante di Monterey County Andres Rosas a conta The Associated Press diabierna. "Mi a bay aya y e tabata un escena bastante traumatico. Nan tabata hende su mascota," el a bisa.

Un di e cabaynan miniatutura tabata pertenece na e dono di e tereno unda e bestianan ta

keda, y e otro 80 tabata di un persona cu a huur e tereno pa tin su mascotanan, Rosas a informa.


Segun recordnan di corte, Arroyo ta ser acusa di asesina 14 cabrito, 9 galiña, 7 pato, 5 coneu, un guinea pig, 33 parakeet y cockatiel. Arroyo tambe ta acusa di asesina un pony yama Lucky y dos cabay miniatutura yama Estrella y Princessa, KSBW-TV a reporta.

Algund e bestianan a sobrevivir e tiroteo cu a dura varios ora pero mester a ser poni drumi a causa di con severo nan heridan tabata, segun Rosas.

Segun informacion, Arroyo tabata biba den un camper banda di e tereno unda e bestianan ta y cu un motibo pa e acto te ainda ta desconoci. Su abogado, William Pernik a bisa cu despues di papia cu Arroyo y su famia el a keda preocupa tocante e competencia mental di su cliente y a pidi hues pa haci un evaluacion di salud mental.



## Pronostico di tempo



#### Tempo:

Awe tardi y awe nochi: parcialmente nubia y generalmente seco  
Den marduga y mañan: temporalmente hopi nubia cu un awasero

Temperatura maximo 34 grado Celsius

Temperatura minimo 28 grado Celsius

Indice di calor (heat index) den y rond di oranan di merdia: 35 pa 42 grado Celsius

Uv index: 12

Bahada di solo: 6:47pm

Subida di solo: 6:29am

#### Biento:

Modera for di direccion generalmente oost; forsa 3 te 4 (12 te 30 km/ora, 7 te 16 nudo).

Durante di dia basta fuerte te posiblemente fuerte den rafaga; forsa 5 te 6 (31 te 50km/ora, 17 te 27 nudo)

#### Situacion general di tempo:

Na e momentonan aki no tin disturbionan di importancia pa weer local. Humedad por bira net suficiente den oranan di marduga y mainta pa produci un awasero local.

#### Condicionnan maritimo/ estado di lama:

Na partinan protegi di costa: keto, rond di 1 pia.

Na partinan zuid: tranquil, rond di 2 pia.

Na partinan oost te noordwest di costa: generalmente modera cu olanan alrededor di 3 pa 4 pia, localmente e por yega 5 te 6 pia.



# Aurora

## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"  
Salmo 33

Nos ta anuncia fayecimento di:



**Addison Croes**

Cariñosamente yama: Eddy/ Opa Son  
\*04-09-1952 - †05-09-2024

Mayornan: †Isaias (Charlie) y †Juanita Croes-Thiel

Na number di su:

Casa: Rosalda Croes

Yiunan:

†Garvin Croes  
Brian Croes

Su preti wowo:

Elle Marie Ho-Kang-You

Mascota stima:

Fluffy 🐾🐾

Rumannan:

†Cristina y Carlito Dirksz-Croes y famia  
†Yonka y Thomas Trimon-Croes y famia  
†Antonio (Bubu) Croes y Clara Croes-Wester y famia  
†Sarita (Rita) Croes y famia  
†Martin (ShonTin) y Lima Croes-Yarzagaray y famia  
†Mache Croes  
Sira Croes y famia

Swa y cuñanan:

†Gilda y †Coco Werleman-Lopez y famia  
†Lindo y †Yvonne Lopez-van der Pas y famia  
†Diana y †Enrique Croes-Lopez y famia  
†Maikel y Ika Lopez-Werleman y famia  
Magda Lopez  
Lia Lopez y famia  
Maximina y Nilo Wernet-Martes y famia  
Arcangel y Greta Martes-Fuentes y famia

Sobrinonan: †Ruben Dirks, John y Denise Dirks-Baiz y famia, Nel Dirks, Mariela y Papito Simon-Dirksz y famia, Astrid y Shon Le Petrochi y famia, Roly y Marion Croes-Croeze y famia, Anthony y Lindelle Croes-Werleman y famia, Shareen Croes y Jurgen van Ootmarsum, Michel y Jaap Croes-Jongeneel, Nathaly y Cesar Perez-Croes, Sidney y Louella Croes-Ras y famia, Anett Maduro y famia, †Jaime Maduro, Delio (Essy) Lacle y famia, Anthony Lacle y famia, Joselito y Magaly Lacle y famia

Julie y Humphry Ras-Croes y famia, Anthony y Ginny Croes y famia, Jeremy y Rina Croes-Werleman, Minouche y Lewis van Romondt-Lopez y famia, Natascha y Don de Veer y famia, Roswitha Lopez y famia, Roy Croes y famia, Suzette y Otty Ras-Croes y famia, †Nathalie Croes y famia, Kenrick y Jamila Lopez y famia, Michel y Cathy Lopez-Arends y famia, Ikel Lopez y famia, Marcel Lopez y famia, Eldwin Coutinho y famia, Gino Coutinho y famia, Johnny y Anaise Wernet y famia, Giovanni Martes y famia, Angere Martes y famia

Unico iha: Bryan Simon

Mama di su preti wowo: Marielle Ho-Kang-You

Sra cu a cuida y stima papi: Isabella (Mama Isa) Caraballo

Tur su amigonan fiel di cas, amigonan/ fans di SV Estrella y ex coleganan di Douaney su bon bisiñanan: Ricky y Ailene Tromp-Croes, como tambe demas bon bisiñanan rond

Demas famia: Croes, Lopez, Thiel, Ho-Kang-You, Dirksz, Trimon, Wester, Yarzagaray, Werleman, van der Pas, Wernet, Martes, Fuentes, Simon, Baiz, Petrochi, Croeze, Perez, Jongeneel, Ras, Maduro, Lacle, Briezen, de Mey, Rozenberg, Kock, Boekhoudt

Nos disculpa si den nos tristeza nos por a lubida un of otro number di famia of amistad.

Ta invita pa e acto di despedida cu lo tuma lugar diamars 10 di september 2024 na misa Inmaculada Concepcion na Sta. Cruz di 1:00 pa 4:00 pm, sigi pa e acto di cremacion den seno di famia.

# Aurora

## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Señor ta mi Wardador, Mi n'tin falta di nada  
Den cunucu di yerba berde E ta poni mi sosega  
E ta hiba mi na awa tranquil pa mi bolbe haña forsa.  
Salmo: 23

Cu inmenso dolor na nos curason pero conforme cu Dios su boluntad, nos ta participa fayecimento di nos ser stima:



**Ena Bardouille**

Cariñosamente yama y conosi como Zuster Bardouille  
\*01-02-1945 ~ †03-09-2024

Na number di su yiu muher: Jo-Anne Bardouille y yui  
Su nieto: Jayden Meulens

Su rumannan:

†Sra. Vda. Theresa Grijt-Bardouille  
†Mona Bardouille y yiunan  
Bernard Bardouille y Cecilia Cardoze y yuinan  
Victor Bardouille y Jacky Wever y yiunan  
Lydia Bardouille y Edsel Grijt y yiunan na Hulanda  
Imelda Bardouille y yiu  
Junior Bardouille na Venezuela

Subrino- y Subrinanan:

Cedric Haze y Donna y yiu na Merca  
Andy Bardouille y Sharmila y yiunan na Hulanda  
Anthony Bardouille y Rim y yiu na Hulanda  
Jessica Tweeboom-Haze y Aldren y yiunan na Hulanda  
Beverly Bardouille y yiunan  
Jennifer Grijt y Robin y yiunan na Hulanda  
Evelyne Grijt y Roberto y yiunan na Hulanda  
Cindy Bardouille na Hulanda  
Geraldine Bardouille y Hubert  
Allyshance Bardouille na Hulanda  
Brandel Bardouille y Xena na Hulanda

Primo y Primanan:

†Felix Bardouille y famia  
Franklin Bardouille y famia  
†Errol Bardouille y famia  
Lucy Sharp y famia

Amigonan di cas: Elsy Toppenberg-de Haak  
Brenda van Putten

Grupo di oracion:

Cu Cristo na Cabeza nada no por bai Robez

Ex coleganan di Dr. Horacio Oduber Hospital, Kram Afdeling  
Miembronan di Club Kibrahacha

Y demas famianan:

Bardouille, Williams, Meulens, Haze, Tweeboom, Grijt, Sharp, Wever, Cardoze, Hengeveld, Toppenberg, de Haak, van Putten, Mardenborough, Hughes y bisiña nan serca Tromp, Raghunath, Flanders, Ras y demas famia na Dominica, Hulanda, Merca, Curaçao, Canada y Inglaterra.

Ta invita tur amigo(a)nan, bisiña y conocirnan pa asisti na e acto di entierro cual lo tuma lugar diamars 10 di september 2024 pa 4or di atardi saliendo for di Misa San Francisco, Oranjestad pa Santana central na Sabana Basora. For di 1or di merdia nos querida defunto lo ta reposa na Misa San Francisco, Oranjestad.

Nos ta lamenta cu despues di entierro nos no ta ricibi bishita di condolencia na cas.

Nos ta pidi nos disculpa si den nos tristesa nos por a lubida di menciona algun persona.


# Aurora

## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"  
Salmo 33



**Sr. Vdo. Pedro M. Giel**

Mihor conoci como "Vidal"  
\*06-01-1942 - †05-09-2024

Na number di su:

Esposa: †Mathilde Giel-Vieira de Freitas

Rumannan:

Ida y †Ruby Dijkhoff  
Ina y †Henk Kolkman  
Andres y Mena Giel Kelly  
Juancito y Marianita Giel Tromp  
Aura y Jovito Tromp Giel  
Freddy y Mercedes Giel  
Rosa Giel

Iha(nan): Lelisia Tromp

Subrina y subrino(nan):

Helen y Stanley Chan, Tico, Rene y Zulaika Dijkhoff, Gino Dijkhoff  
Jolanda, Ivonne y Lia Kolkman y yiunan  
Sharine, Jelitza, Jelishka Giel  
Moraima y Greg Brown, Angelo Giel  
Junior, Giovanni Perez  
Frederick, Magaly, Susaine Giel  
Layen y Ada Willems y yiu  
Melany Perez

Bon bisinja:

Miljenka Franken y Chelo

Tur su amistadnan, conocirnan, y companjera(o)nan di S.T. Thuiszorg Jaburibari.

Demas famia(nan):

Giel, Vieira de Freitas, Heide, Tromp, Dijkhoff, Kolkman, Kelly, Perez, Oehlers, Maduro, Brown, Boekhoudt.

Ta invita pa acto di despedida cual lo tuma lugar na Aurora Funeral Home diaranson 11 di september 2024, di 9'or pa 11'or. Cremacion lo tuma lugar despues den seno familiar. Nos disculpa si den nos tristeza nos por a lubida algun number. Nos ta lamenta cu despues di entierro nos no lo ricibi bishita di condolencia na cas.

# Aurora

## Royal Pray

Funeral Home & Crematory


Precioso den bista di Señor ta e morto di su Santonan, Sirbidor.  
Salmo 116:15

Cu dolor na nos curason, nos ta anuncia fayecimento cristianamente di nos ser stima:

**Yolanda Otil Buddy**

\*15-02-1965 - †06-09-2024

Acto di entierro lo wordo anuncia despues





## Israel ta conduci atakenan intenso den Siria, matando 4, segun media estatal

(AP)—Un serie di atakenan Israeli a dal varios area den centro Siria ayera, matando al menos cuatro persona, heridando 13 y causando candela, segun e media estatal a reporta.

Agencia noticiero estatal Sirio SANA a reporta cu defensan an aereo Sirio “a confronta un agresion cu a afecta varios punto den e region central,” destruyendo un highway den provincia di Hama y causando candela cu bomberonan tabata bringando pa controla awe trempan.

Al menos cuatro hende morto y 13 herida a yega na e Masyaf National Hospital den e provincia Hamas, SANA a bisa, citando hefe di hospital Fay-sal Haydar. No tabata inmediatamente claro di nan tabata ciudadanonan of militantenan.



E Observatorio Sirio pa Derecho Humano, un monitoreo di guerra basa na Reino Uni, a reporta cu un di e atakenan a afecta un centro di investigacion científico na Maysaf y otro sitionan unda “milicianan y expertonan Irani ta staciona pa desaroya arma den Siria.”

Media local tambe a reporta atakenan rond di e ciudad costero Tartous.

No tabatin comentario inmediato for di e ehército Israeli. Israel a conduci centenaes di atake riba obhetivonan dentro di partinan controla pa gobierno di Siria durante e ultimo añanan, pero ta incomun cu e ta reconoce of discuti e operacionnan.

E atakenan frecuentemente ta riba forsanan Sirio of gruponan sosteni pa Iran. Israel a priminti pa stop atrincheramento Irani den Siria, particularmente mirando cu Siria ta un ruta clave pa Iran manda arma pa e grupo militante Libanes, Hezbollah.

Hezbollah ta den conflicto cu forsanan Israeli durante e ultimo 11 luna pa via di e guerra entre Israel y Hamas—un aliado di Hezbollah—na Gaza.

## Trump ta menasa pa encarcela oponentenan den retorica escalante prome cu debate esencial

(AP)—Cu solamente algun dia prome cu su prome y probablemente unico debate contra vice-presidente Kamala Harris, ex-presidente Mericano Donald Trump a publica un advertencia riba su red social menasando pa encarcela esnan “envolvi den comportamiento inetico” durante e eleccion aki, cual el a bisa lo ta bao critica intenso.

“ORA MI GANA, esnan cu a CHEAT lo ser persigui riba extento completo di e ley, cual lo inclui sentencianan largo den prizon pa asina e depravacion di husticia aki no sosode atrobe,” Trump a skirbi diasabra, treciendo duda un bes mas tocante e integridad di e eleccion, aunke fraude ta increíblemente incomun.

“Sea consciente,” el a continua, “cu e exposicion legal aki ta extende pa abogadonan, operativonan politico, donantenan, votadonan ilegal y oficialnan di eleccion corrupto. Esnan envolvi den comportamiento inetico lo ser persigui, gara y procesa riba nivelnan, desafortunadamente, nunca mira den nos pais.”

E mensahe di Trump ta representa su ultimo menasa pa usa e oficina presidencial pa comete represalia di e gana un segundo termino. No tin ningun evidencia di tipo di fraude cu e ta sigui insisti a stroba e eleccion di 2020; de hecho, decenas di corte, oficialnan di estado Republicano y su mesun administracion a bisa cu el a perde hustamente.

Solamente algun dia pasa, Trump mes a reconoce den un entrevista cu en berdad el a “perde pa un cantidad chikito.”

Mientras e aliado- y ayudantenan di e campaña di Trump a urgi’e pa enfoca riba Harris y haci e eleccion un referendum riba asuntonan manera inflacion y seguridad riba frontera, Trump a desvia hopi leu for di curso.

Diabierna el a entre un declaracion sorprendente na camaranan di pensa den cual el a menciona un serie di acusacionnan den pasado di mala conducta sexual, describiendo varios den detaye grafico, hasta ora el a nega e acusacionnan di su acusa-



donan. Anteriormente el a aparece den corte pa un audiencia riba e apelacion di e decision cu a hay’e responsable di abuso sexual, birando e enfoko riba su problemanan legal den e ultimo etapa di e campaña.

Diasabra trempan, Trump a menciona den dessatisfaccionnan familiar tocante tur cos for di su acusacion pa e envolvimiento di Rusia den e eleccion di 2016 mientras el a campaña den un di e area mas Republicano di Wisconsin.

“E departamento di husticia di Biden-Harris kier tira mi den prizon—nan kier mi den prizon—pa e crimen di exposiciona nan corrupcion,” Trump a bisa durante un rally na Central Wisconsin Airport, unda el a papia tras di un muraya di glas bulletproof debi na e protocol-

nan nobo despues di e intento pa asesinato riba dje na juli.

No tin ningun evidencia cu presidente Joe Biden of Harris tin influencia tocante decisionnan pa e departamento di husticia of fiscalnan estatal pa acusa e ex-presidente.

**Aurora**  
*Royal Pray*  
Funeral Home & Crematory

Lo E seka tur lágrima for di nan wowo, I morto lo no eksisti mas: lo no tin nada di rou, nada di yoramento, nada di dolo mas, pasobra tur kos di antes a pasa bai.  
Rev. 21:4

Ta anuncia fayecimento di:



**Edith Damus**  
\*07-10-1943 -†31-08-2024

Acto di entierro lo wordo anuncia despues





## Apoyadonan di ex prome minister Pakistani encarcela ta protesta pa demanda su liberacion



(AP)—Miles di apoya-donan di ex-prome min-ister Pakistani encarcela, Imran Khan, a protesta riba frontera di e capital, Islamabad, ayera, deman-dando su liberacion. E ta den prizon pa mas cu un aña caba den conexcion cu mas di 150 caso policial.

Khan, e rival principal di prome minister actual Shez-baz Sharif, ta keda un figura popular a pesar di e casonan

aki, cual criticonan y su partido ta bisa ta politicamente motiva. El a ser kita for di poder na 2022 via un voto di desconfiansa den parlamento.

E rally di diadomingo, un di esun mas grandi e aña aki pa e partido den oposicion di Khan, Pakistan Tehreek-e-Insaf, of PTI, a tuma luga pasivamente, aunke polis a bringa cu algun activista. E vocero di Khan, Zulfi Bukhari, a denuncia e accion



di polis contra su apoyadonan “pasivo” den un declaracion.

Mas trempa, autoridadnan a blokea camindanan clave por medio di pone container pa preveni su apoyadonan asisti

na e rally. “Si Dios kier, nos lo sigua e liberacion di Im-ran Khan pronto,” segun Ali Amin, e oficialnan eligi den e provincia Khyber Pakh-tunkhwa, adresando e rally.

El a duna e gobierno un ul-timatum di dos siman pa e liberacion di su lider. Khan a ser encarcela na 2023 ora a deten’e despues di a ser sen-tencia den un caso di corrup-cion.



(AP)—Canciyeer Aleman Olaf Scholz a bisa ayera cu e y presidente Ucrani-ano Volodymyr Zelenskyy a acorda cu Rusia mester ser inclui den un confer-

encia di paz den futuro diseña pa trece un fin na e guerra entre Rusia y Ucran-ia. El a haci yamado pa mas esfuerso pa resolve e conflicto.

## Canciyeer Aleman Scholz a haci yamado pa progreso mas lihe pa caba cu e guerra di Rusia na Ucrania

Un conferencia di paz cu a tene luga anteriormente dia 15 y 16 di juni na Suisa a caba cu 78 pais expresando apoyo pa e “integridad teritorial” di Ucrania pero a laga e camin-da pa dilanti vago. Rusia no a participa.

“Mi ta kere awo ta momento cu nos mester discuti con nos ta bay sali for di e situacion di guerra mas lihe cu loke ta e impresion actualmente,”

Scholz a bisa den un entrev-ista cu locutor publico Ale-man ayera. “Sigur no lo ta bay tin mas conferencia di paz, y e presidente y nos ta den acu-erdo cu e mester ta un cu Ru-sia presente,” Scholz a bisa.

Scholz ta enfrentando mas disentiemento politico na cas tocante e sosten di su go-bierno incluyendo placa y arma pa Ucrania despues cu partido populista cu a opone pa arma Ucrania a haya bon

resultado durante e eleccion estatal na costo di partidonan den su coalicion di tres par-tido. Algun miembro di su Partido Democratico Social tambe a haci yamado pa mas enfasis riba diplomacia pa Rusia.

Zelenskyy a presenta un for-mula di paz di dies punto cu ta yama pa e expulsion di tur forsa Ruso for di teritorio Ucrainiano y responsabilidad pa crimennan di guerra.

## Oficial di ONU ta bisa cu e guerra na Sudan a mata al menos 20,000 hende

(AP)—Mas cu 16 luna di guerra na Sudan a mata mas cu 20,000 hende, segun un oficial mayor di e Organ-izacion di Nacionnan Uni (ONU) a bisa ayera, un cifra scur en medio di un conflicto devastador cu a sacudi e pais Africano.

Tedros Adhanom Ghebreyesus, director general di e Organisa-cion Mundial di Salud (OMS), a presenta e conteo di morto durante un conferencia di pren-sa na Port Sudan, cual ta sirbi como e asiento di e gobierno

internacionalmente reconoci. El a bisa cu e conteo di morto por ta hopi mas halto. “Sudan ta sufriendo den un tormento perfecto di crisis,” Tedros a bisa mientras e tabata cabando cu su bishita di dos dia pa Sudan. “E scala di e emer-gencia ta sorprendente, como tambe e accion insuficiente pa stop cu e conflicto.”

Sudan a cay den caos na april aña pasa ora tension entre e ehército y e grupo paramili-tar, e Rapid Support Forces, a explota den un guerra den e

pais. E conflicto a transforma e capital, Khartoum, y otro areanan urbano den tereno di bataya, destruyendo infraestruc-tura publico y un sistema di salud cu ya tabata kibra. Sin e facilidadnan basico aki, hopi hospital y facilidadnan medico a cera nan porta.

E conflicto a crea e crisis di desplazamento mas grandi na mundo. Mas cu 13 milyon hende a ser forsa pa huy for di cas desde e bringamento a cuminsa, segun e Organizacion Internacional pa Migracion.

Nan e inclui mas cu 2.3 mi-yon hende cu a huy pa paisnan den bisindario como refugiado.

Bringamento a ser marca pa atrocidadnan incluyendo abuso sexual en masa y asesinatnan etnicamente motiva cu ta conta como crimennan di guerra y crimennan contra humani-dad, segun ONU y gruponan di derecho internacional. Diabierna, e investigadornan di derecho humano a urgi pa e creacion di un “forza indepen-diente y imparcial” pa proteha ciudadanonan, culpando ambos

banda di crimennan di guerra. Un brote den e pais ta e calamidad mas recien pa e pais. E malesa a mata al menos 165 hende y a enferma aproxima-damente 4,200 mas durante e ultimo simannan, segun e ministerio di Salud a bisa den su ultimo update diabierna.

“Nos ta haciendo yamado pa mundo lanta for di soño y yuda Sudan sali for di e pesadia cue ta bibando den dje,” Tedros a bisa, agregando cu un alto-al-fuego inmediato ta urgente-mente necesario.





## Dos miembro di NATO ta bisa cu drone Ruso a viola nan espacio aereo

(AP) - Dos miembro di NATO a bisa diadomingo cu drone Ruso a viola nan espacio aereo, pa motibo cu 1 a bula drenta Romania durante atakenan den oranan di anochi contra bisña Ucrania mientras otro a accidenta na Latvia e dia anterior.

Un drone a drenta teritorio di Romania diadomingo trempa mientras cu Moscu a golpia "victimanan civil y infraestructura na waf" na Danube, Ucrania, segun Romania su Ministerio di Defensa Nacional a reporta. El a agrega cu Bucharest a desplega avionnan F-16

pa monitor su espacio aereo y a emiti alertanan via mensahe a residentenan di dos region na parti oriental.

Tambe el a bisa cu investigacionnan ta na caminda di un posibel "zona di impacto" den un zona no habita na e frontera di Romania cu Ucrania. No tabatin rapport inmediato di ningun daño ni morto of herido.

Mas adelante riba diadomingo, Latvia su Minister di Defensa Andris Spruds a bisa cu drone Ruso a cay e dia prome na e pueblo di Rezekne, y posiblemente a drenta Latvia for di



Belarus. Rezekne, cas di alrededor di 25,000 persona, ta 55 kilometer west di Rusia y alrededor di 75 kilometer ley di Belarus, e Kremlin su aliado cercano y dependiente. Mientras cu e entrada na espacio aereo di Latvia ta un incidente poco comun, Romania a confirma fragmento di drone den su teritorio den varios ocasion desde cu Rusia a invadi Ucrania den februari di 2022, cu e incidente mas recien juli di e aña aki.

Mircea Geoana, NATO su Secretario General dpitado cu ta saliendo y Romania su

ex diplomatico top a bisa diadomingo mainta cu e aliansa militar a condena Rusia su violacion di espacio aereo na Romania. "Mientras cu nos no tin informacion indicando un atake intencional di parti di aliadonan di Rusia, e actonan aki ta irresponsabel y potencialmente peligroso," el a skirbi riba X/

Latvia su ehercito riba diadomingo a bisa cu no tabatin indicacion cu Moscu of Minsk intencionalmente a manda drone den e pais. Den un declaracion publico, e ehercito a bisa cu el a identifica e sitio unda e caida

a sosde y cu un investigacion ta andando.

Spruds, e Minister di Defensa di Latvia, a busca baha e nivel di significancia di e incidente cu drone.

"Mi por confirma cu no tin victima aki y tampoco ningun propiedad a sufrí daño," Minister di Defensa Andris Spruds a conta Latvian Radio a bisa riba diadomingo, agregando cu cualkier riesgo den e evento tabata inmediatamente elimina: "Claramente, e ta un incidente serio, mirando cu esaki un bi-aha mas ta un recordatorio di ki tipo di paisnan ta nos bisña."

